

41  
1  
30

詁字板史記

序同

一



## 史記索隱序

朝散大夫國子博士弘文  
館學士河內司馬貞撰  
纂元撰字

史記者漢太史司馬遷父子之所述也。遷自以承五百之運，繼春秋而纂是史，其褒貶覈覩，實頗亞於丘明之書。於是上始軒轅下訖天漢，作十二本紀、十表、八書、三十世家、七十列傳。凡一百三十篇。始夏左氏之體，而年載悠邈，簡冊闕遺，勤成一家。其勤至矣，又其屬稿。

先據左氏國語系本戰國策楚漢春秋及諸子百家之書而後貫穿經傳馳騁古今錯綜纂括各使成一國一家之事故其意難究詳矣比於班書微為古質故漢晉名賢未知見重所以魏文侯聽古樂則唯恐卧良有以也逮至晉末有中散大夫東莞徐廣始考異同作音義十三卷宋外兵參軍裴駟又取經傳訓釋作集解合為八十卷雖粗見微意而未

窮討論南齊輕車錄事鄒誕生亦作音義三卷音則微殊義乃更略爾後其學中廢貞觀中諫議大夫崇賢館學士劉伯莊達學宏才鉤深探頤又作音義二十卷比於徐鄒音則具矣殘文錯節異音微義雖知獨善不見傍通欲使後人從何準的貞謾聞陋識頗事鑽研而家傳是書不敢失墜初欲改更舛錯裨補踈遺義有未通兼重註述然以此書殘缺序作三十卷

雖多實為古史忽加穿鑿難允物情今止探求異聞採摭典故解其所未解申其所未申者釋文演註又為述贊凡三十卷號曰史記索隱雖未敢藏之書府亦欲以貽厥孫謀云

### 史記索隱序

史記索隱後序  
夫太史公紀事上太史始軒轅下訖天漢雖博采古文及傳記諸子其間殘缺蓋多或訪搜異聞以成其說然其好奇而詞省故事嚴而文微是以後之學者多所未究其班氏之書成於後漢彪既依遷而述所以條流更明且又兼采衆賢群理畢備故其旨富其詞文是以近代諸儒共所鑽仰其訓詁蓋亦多門蔡謨

集解之時已有二十四家之說所以於文無所端於理無所遺而太史公之書既上序軒黃中述戰國或得之於名山壞宅或取之以舊俗風謠故其殘文斷句難究詳矣然古今為註解者絕省音義亦希新唐書志作十三卷始後漢延熹乃有音義一卷又別有音隱五卷不記作者何人近代鮮有二家之本宋中散大夫徐廣作音義庚一十卷唯記諸本異同於義少有解釋又

中兵郎裴駟亦名家之子也作集解註本合為八十卷見行於代仍云亦有音義前代久已散亡南齊輕車錄事鄒誕生亦撰音義三卷音則尚奇義則罕說隋祕書監柳顧言尤善此史劉伯莊云其先人曾從彼公受業或音解隨而記錄凡三十卷隋季喪亂遂失此書伯莊以貞觀之初奉勅於弘文館講授遂采鄒徐二說兼記憶柳公音旨遂作音義三

十卷音乃周備義則更略惜哉古史微文遂  
由數賢祕寶故其學殆絕前朝吏部侍郎顏  
子儒師古亦作註義不覩其書崇文館學士張嘉  
會獨善此書而無註義貞少從張學晚更研  
尋初以殘缺處多無鄙楮少孫誣譏因憤發  
而補史記遂兼註之然其功殆半乃自唯曰  
千載古史良難紬繹於是更撰音義重作贊  
述蓋欲以剖盤根之錯節遵北轍於司南也

凡為三十卷號曰史記索隱云

史記索隱後序終

史記正義序

諸王侍讀宣議郎守右清  
道率府長史張守節上

史記者漢太史公司馬遷作遷生龍門耕牧  
河山之陽南遊江淮講學齊魯之郡紹太史  
繼春秋括文魯史而包左氏國語采世本戰  
國策而摭楚漢春秋貫紳經傳旁搜史子上  
起軒轅下暨天漢作十二本紀帝王興廢悉  
詳三十世家君國存亡畢著八書贊陰陽禮

樂十表定代系年封七十列傳忠臣孝子之  
誠備矣筆削冠於記籍題目足以經邦裴駘  
服其善序事理辯而不華質而不俚其文直  
其事核不虛美不隱惡故謂之實錄自劉向  
楊雄皆稱良史之才况墳典湮滅簡冊闕遺  
比之春秋言辭古質方之兩漢文省理幽宇  
節涉學三十餘年六籍九流地里蒼雅銳心  
觀採評史漢詮衆訓釋而作正義郡國城邑

委曲申明、古典幽微、竊探其義、索理允愜。次舊書之旨、兼音解注、引致旁通。凡成三十卷。名曰史記正義。叢揮膏肓之辭、思濟滄溟之海。未敢侔諸秘府、冀訓詁而齊流、庶貽厥子孫、世疇茲史。于時歲次丙子開元二十四年八月殺青斯竟。

史記正義序終

補史記序

小司馬氏

太史公古之良史也、家承二正之業、人當五百之運、兼以代為史官、親掌圖籍、慨春秋之絕筆、傷舊典之闕文、遂乃錯綜古今、囊括記錄、本皇王之遺事、採人臣之故實、爰自黃帝迄于漢武、歷載悠邈、舊章罕補、漁獵則窮於百氏、筆削乃成於一家、父作子述、其勤至矣。然其叙勸褒貶、頗稱折衷、後之作者咸取則

焉夫以首創者難為功、因循者易為力、自左氏之後、未有體制而司馬公補立紀傳規模別為書表題目、莫不本紀十二、象歲星之十周、八書有八篇法、天時之八節、十表、放剛柔十日三十世家、比月有三旬七十列傳、取懸車之暮齒百三十篇、象閏餘而成歲、其間禮樂刑政、若舉必書、福善禍淫、用垂烟誠、事廣而文局、詞質而理暢、斯亦盡美矣、而有未盡

善者具如後論、否意出當時、而義非經遠、蓋先史之未備成後學之深疑、借如本紀叙五帝而闕三皇、世家載列國而有外戚、邾許、春秋次國略而不書、張吳敵國蕃王抑而不載、並編錄有闕、竊所未安、又列傳所著有管晏及老子韓非管晏乃齊之賢卿、即如其例、則吳之延陵鄭之子產、晉之叔向、衛之史魚、盛德不闕、何為蓋闕、伯陽清虛為教、韓子峻刻

管八節者春分秋分夏至冬至立春立秋立冬也。謂之立啓序則乘者代日甲丙戊庚壬癸日是也。應車者祀辛巳七也。百三十篇象官月孟百卷之外有殊

制法靜躁不同德刑斯舛今宜柱史共漆園  
同傳公子與商君並列可不善歟其中遠近  
乖張詞義躋駁或篇章倒錯或贊論驪諫蓋  
由遭逢非罪有所未暇故十篇有錄無書是  
也然其網絡古今敘述懲勸異左氏之微婉  
有南史之典實所以揚雄班固等咸稱其有  
良史之才蓋信乎其然也後褚少孫亦頗加  
補綴然猶未能周備貞業謝顥門人非博古  
而家傳是學頗事討論思欲續成先心潤色  
舊史輒黜陟陞降改定篇目其有不備並採  
諸典籍以補闕遺其百三十篇之贊記非周  
悉並更申而述之附于衆篇之末雖曰狂簡  
必有可觀其所改更具條于後至如徐廣唯  
略出音訓兼記異同未能考覈是非解釋文  
句其裴駟實亦後進名家博採群書專取經  
傳訓釋以為集解然則時有冗長至於盤根

錯節殘缺紕繆咸拱手而不言斯未可謂通學也今輒採按今古仍以裴為本兼自見愚管重為之註號曰小司馬史記然前朝顏師古止註漢史今並謂之顏氏漢書貞雖位不逮顏公既補史舊兼下新意亦何讓焉

## 史記補史序

### 史記集解序

裴駰

字馬貞

索隱曰駰

字龍駒

河東聞

子同傳

○正義曰

裴駰

九經諸史

并漢書音義及衆書之目而解史紀故題史紀集解序序緒也孫炎云謂

端緒也孔子作易卦序夏

作詩序之義其來尚矣

班固有言曰

索隱曰

固擇漢書作司馬遷傳

評其作史記所採之書兼論其

得失故裴駰此序先引之為說也按固字孟

堅扶風人後漢明帝時仕至中護軍祖稚穎

川太守父虧徐

司馬遷

正義曰字子長左馮

令續太史公書

司馬遷

正義曰字子平左馮

川太守父虧徐

司馬遷

正義曰字子平左馮

川太守父虧徐

司馬遷

正義曰字子平左馮

太史令撰史記百三十篇。父談亦爲太史令。據左氏國語。索隱曰。仲尼作。

春秋傳魯史左丘明作傳合三十篇故曰左氏傳國語亦丘明所撰上起于周之穆王下

訖敬王其諸侯之事起魯莊公迄春秋末凡二十一篇采世本戰國策

所記也。錄黃帝已來、帝王諸侯、及鄉大夫、素

爲三十篇。名曰戰國策。按此是班固取今其後而書之。非遷時已名戰國策。述楚

**漢春秋** 索隱曰漢太中大夫趙人陸賈所撰  
記項氏與漢高祖初遇及說惠文間

事接其後事訖于天漢索隱曰武帝年號言大史公所記迄至武

帝天漢其言平察漢詳矣至於采經摭傳二四索隱曰按之年也

字書擁拾也。分散數家之事甚多疏略。或有  
音之亦反。

**抵梧** 索隱曰：抵，音丁禮反。梧，音吾故反。抵者，觸也。梧，亦斜相抵觸之名。按今屋梁上斜柱，是也。斜獨謂之梧，獨謂之柱。大抵梧

其參差也。以言彼此二文同出一家而自相  
乖亦其子孫亂之者乎？

矣。其取沒猶者廣博貫穿經傳馳騁古今  
上下數千載間斯已勤矣。正義曰、言作史記

上二千餘年此甚勤於撰錄也又其是非頗謬於聖人隱

曰聖人謂周孔之教皆宗儒尚德今太史公乃先黃老崇勢利是謬於聖人○正義曰太

史公史記各顯六家之宗黃老道家之宗六經儒家之首序游俠則退處士述貨殖則崇勢利處士賤貧原憲非矣夫作史之體務涉多時有國之規備陳藏否天人地理咸使該遍而遷天縱之才述作無滯故異周孔之道班固詆之裴駟引序亦通人之蔽也而固作漢書與史記同者五十餘卷謹寫史記少加異者不弱即劣何更非剥史記乃是後士妾非前賢又史記五十二萬六千五百言叙二千四百一十三年事漢書八十一萬言叙二百二十五年事司馬遷引父致意班固父脩而蔽之優劣可知矣

論大道則先黃老而後六經正義曰大道者皆稟乎自地之前先天地生不知其名字之曰道黃帝老子遵崇斯道故太史公論大道須先黃老

而後序游俠則退處士而進豪雄索隱曰游六經如荆軻豫讓之輩也游從行也俠挾也持也言能相從游行挾持之事又曰同是非曰俠○正義曰姦雄姦猾雄豪之人述貨殖正義曰殖生也言貨物滋生也

則崇勢利正義曰趨此其所蔽也正義曰此馬遷不然自劉向揚雄博極羣書皆稱遷有良史之才服其善序事理辯而不華質而不俚索隱曰俚音里劉德曰俚即鄙也崔浩云俚世有鄙俚之語則俚亦野也謂詞不鄙擗其文直其事核不虛美不隱惡故謂之實錄

勤

續

駟以爲固之所言世稱其當正義曰駟音因

當音丁浪反裴

駟以班固所論司馬遷史記是非世人稱班固之言雖時有紕繆索隱者非也同有名也

織者兩縣同齒曰性繆亦與謬同

日紕

勒成一家

正義曰雖有小紕繆實

總其大較

索隱

勒成

較日較

音角較猶畧也

則大較猶言

大畧也

○正義曰較明也

信命世之宏才

也

索隱曰按孟子云五百年生一賢其間必

有名出者趙岐曰名世次聖之才物來能

名於世也宏才大才謂史遷考較此書文句

不同有多有少莫辭其實而世之惑者定彼

從此是非相貿真偽舛雜正義曰貿音茂舛

迷惑淺識之人或定彼從此本更

相貿易真偽雜亂不能辯其是非

故中散大

夫東莞徐廣研核衆本爲音義正義曰作音義十卷裴駟

爲注散八

具列異同兼述訓解

正義曰徐作

音義其列異

百三十篇

具列異同

兼述訓解

正義曰徐作

音義其列異

之本兼述

訓解釋也

麤有所發明而殊恨省略

索隱珠

其列異

傳曰斬其木不殊言絕恨其所撰

聊以愚管

大省畧

○正義曰省音山景反

索隱珠

其列異

也。言裴駰更增益演徐氏之說采經傳百家并先儒之說。

正義曰：採取也。或取傳說採諸子百家兼取先儒

之義先儒謂孔安國鄭玄服虔賈逵等是也。

吉百家廣豫是有益悉皆抄內。

正義曰：並採

裨益史記盡抄內

其中抄音楚交反刪其游辭取其要實。

正義曰：並刪音

師顏反刪除也去經傳諸家或義在可疑則

數家兼列。

正義曰：兼列數家之說不同各有道理致生疑惑不敢偏棄故皆兼

浮游之辭取其精要之實。

臣瓊者莫知氏姓

索隱曰：按即傳瓊而

劉孝標以爲于瓊非也據何法盛書于瓊被

帝時爲大將軍誅死不言有註漢書之事又

列漢書音義稱。

元

其註漢書有引祿秩令及茂陵書然彼二書亡於西晉非于所見也必知是傳瓊者按猶太子傳目錄云傳瓊爲校書郎與荀勗同校定指天子傳即當西晉之朝在于之前尚見茂陵等書又稱臣者以其職典祕書故也瓊音殘岸反今直云瓊白又

都無姓名者但云漢書音義

正義曰：漢書音義中有全無姓

元

名者裴氏注史記直云漢書音義按大顏以

元

爲無名義今有六卷題云孟康或云服虔蓋

元

後所加皆非其時見微意有所裨補

正義曰：

元

見反裨音卑又音頻移反裨益也裴贊見音賢

元

氏云時見已之微意亦有所補益也譬譬如星

元

之繼朝陽

索隱曰：譬微小貌也詩云：譬彼小

元

各隨三心五蜀出在東方亦能繼朝陽之光  
豐音火慧反朝陽日也夢星繼朝陽渝已淺

薄而註飛塵之集華嶽

正義曰西嶽華山極高大裴氏自喻材藻

輕小如飛塵之集華岳亦能成其高大皆子云海不辭水故能其大山不辭土故能成其

高華音故化以徐為本

正義曰徐廣音義辯反又如字諸家異同故以徐為

本號曰集解未詳則闕弗敢臆說

正義曰有處則闕而不論不敢以言胃臆之中而妄解說也

人心不同正義曰言

處則闕而不論不敢以言胃臆之中而妄解說也

正義曰耳聞目見心意同所見亦聞見異辭既乖其辭所以各異也

班氏所謂疏略抵牾者依違不悉辭也

正義曰裴索隱

氏言今或依違不復更辯明之也按周公

世家敘傳曰依之違之周公緩之是也

愧非骨臣之多聞

索隱曰晉大夫由季名曰胥臣按國語稱晉文公使趙衰

爲卿辭曰纁枝貞慎先軫有謀胥臣多聞皆可以爲輔又胥臣對文公黃帝二十五子及

七豫皆八等

子產之博物索隱曰鄭卿公孫

事是多聞也

子產聘晉言晉侯之疾非實沈臺駘之崇乃說飲食哀樂及內官不及同姓則能生疾

傳子產聘晉言晉侯之疾非實沈臺駘之崇

乃說飲食哀樂及內官不及同姓則能生疾

日博物君子也

子產之言妄言末學無穢舊史宣足

以關諸裔德庶賢無所用心而已

索隱曰關謂積德多學之人也裴氏謙言已今此集解

豈是關預於積學多識之士乎正正是冀望聖

謂積德多學之人也裴氏謙言已今此集解

賢勝於飽食終日無所用心愈  
於論語下有博奕者乎之人乎

## 史記集解序

## 史記正義論例謚法解

諸王侍讀宣議郎守右清  
道率府長史張守節上

## 論史例

古者帝王右史記言左史記事言為尚書事  
為春秋太史公兼之故名曰史記并採六家  
雜說以成一史備論君臣父子夫婦長幼之  
序天地山川國邑名號殊俗物類之品也太  
史公作史記起黃帝高辛唐堯虞舜夏

殷周秦訖于漢武帝天漢四年合二千四百一十三年作本紀十二象歲十二月也作表十象天之剛柔十日以記封建世代終始也作書八象一歲八節以記天地日月山川禮樂也作世家三十象一月三十日三十輻共一轂以記世祿之家輔弼股肱之臣忠孝得失也作列傳七十象一行七十二日言七十者舉全數也餘二日象閏餘也以記王侯將相英賢略立功名於天下可序列也合百三十篇象一歲十二月及閏餘也而太史公作此五品廢一不可以統理天地勸獎箴誡為後之楷模也

論注例

史記文與古文尚書同者則取孔安國注若與伏生尚書同者則用鄭玄王肅馬融所釋與三傳同者取杜元凱服虔何休賈逵范甯

等注與三禮論語孝經同者則取鄭玄馬融王肅之注與韓詩同者則取毛傳鄭箋等釋與周易同者則依王氏之注與諸子諸史集書及先儒解釋善者而裴駟並引為注又徐中散作音訓校集諸本異同或義理可通者稱一本云又一本云自是別記異文裴氏亦引之為注也

論字例

史漢文字相承已久若悅字作說閼字作間智字作知汝字作女早字作蚤後字作后既字作溉勑字作飭制字作劙此之般流緣古少字通共用之史漢本有此古字者乃為好本程邈變篆為隸楷則有常後代作文隨時改易衛宏官書數體呂忱或字多奇鍾王等家以能為法致令楷文改變非復一端咸著秘書傳之歷代又字體乖日久其黼黻之字

法從耑

丁履反

今之史本則有從耑

音端

秦本紀

云天子賜孝公黼黻鄒誕生音甫弗而鄒氏

之前史本已從耑矣如此之類並即依行不

可更改若其鼈鼈從龜辭從舌覺學從與秦

恭從小匱匱從走巢瀼從果耕籍從禾席下

為帶羹下為大裒下為衣極下為點析旁著

片惡上安西餐側出頭離邊作禹此之等類

例直是訛字寵

勃勇反

字為錫

音以支

章移反

代

文

問反

將元混無若茲之流便成兩失

論音例

史文與傳諸書同者劉氏並依舊本為音至  
如太史公改五帝本紀便章百姓便程東作  
便程南譌便程西成便在伏物咸依見字讀  
之太史變尚書文者義理特義或訓意改其  
古澀何煩如劉氏依尚書舊音斯例蓋多不  
可具錄著在正義隨文音之君子宜詳其理

庶明太史公之達學也然則先儒音字比方為音至魏祕書孫炎始作反音又未甚切今並依孫反音以傳後學鄭康成云其始書之也倉卒無字或以音類比方假借為之趣於近之而已受之者非一邦之人其鄉同言異字同音異於茲遂生輕重訛謬矣然方言差別固自不同河北江南寃為鉅異或失在浮清或帶於重濁今之取捨冀除茲弊夫質有

精麤謂之好惡

並如字並去心有愛憎稱為好惡

聲當體則名為譽

音預情乖則曰毀譽

音餘

乎怪反壞徹

上音

反自斷

徒緩反

刀斷

端管反以刀割令相去

去耶反也

亦奢反未也

亦且反助

復富反重也

過

古卧反越度也

解枝買反自散也

間紀覓反

畜許又

許六反反養

也先反也

仙屑然

尤羽求反

俟胡灑反

並音治持直之

反之反而

脂底夷反

惟維遺唯

並音以住反

怡貽願詒

並音與之反

夷寅彝姨

並音以私息脂反

綏鎰睢菱並音息 健司伺絲並音巨 危枝柢

肢

並音章  
移反

祇岐

並音巨  
支反

其期旗綦蹕

並音渠  
之反

祈頌旂幾畿

並音希  
渠反

僖熙嬉嘻

並音許  
其反

希睇

睎稀幾

並音虛  
反

霏妃菲駢

并音芳  
非反

飛非靡匪肥

尸屍蓍

並音脂  
反

霏妃菲駢

并音芳  
非反

飛非靡匪肥

篇偏

並音旁  
連反

穿

詳連  
反

里李裏

並音良  
至鄭

利志

之吏  
連反

利蒞

並力  
至反

吏

力置  
吏反

寺嗣飼

並辭  
吏反

猝置

並候  
反

二置

致蹠驚  
利反

斤筋

舉欣  
反

亟

去吏冀穎  
九利

既

居未  
覆

敷救  
敷福反

又副

敷

裁

富鍾

並府  
副反

若斯清濁

實亦難分博學碩

材乃有甄異此例極廣不可具言庶後學士

幸留意焉

### 音字例

文或相似音或有異一字單錄乃恐致疑兩字連文檢尋稍易若音上字言上別之所音下字乃復書下有長句在文中須音則題其

字

叢字例

古書字少、假借蓋多字或數音觀義點發皆依平上去入、若發平聲每從寅起、又一字三四音者同聲異喚、一處共叢恐難辯別、故略舉四十二字如字初音者皆為正字不須點

叢

畜詳六反、養也、又詳殺反、從訛容反隨也、又六畜也、又他六反聚也、從縱容反南北長

也又但容反、又子勇反、相勸也、又從用反、侍從也、又足用反、恣也、又數色具反

第數出、又色五反、次傳逐戀反、書傳也、又逐全

也又色角反、頻傳反、相付也、又張戀反、驛也、卒子律反、卒終也、又蒼忽反、急也、尊忽

也君也、微也、又頻亦反、罪也、開也、疋亦反、邪也、又疋鼓反、諭也、又音避、隱也、又晉覓反、辟脣也、施書移反、張也、又武肢反、施與也、又羊肢反、延也、間紀閑反、隙也、又覓間射蛇夜反、射也、又夏胡馬反、禹號也、又陽夏縣也、復符富反、重也、又音福徐役之也、重拱春夏也、又格雅反、累也、適歷又大也、反張革反、責也、又直龍反、疊聖石反、寬也、之也、又下反、尊也、直龍反、疊聖石反、寬也、之也、又下

敵當也。又音記。音祀。水在成臯。又音几。邑名。在襄  
 人呼土。爲汜橋。樂。音岳。謂音樂也。又音洛。  
 位處也。又音夷。趙。音岳。謂音樂也。又音洛。  
 情願。覆。敷富。反蓋也。又恐。曲用反。疑也。又惡。  
 也。又音烏。謂於何也。斷。端管反。有物割截。  
 烏各反。麤也。又烏路反。再也。分。反。又端亂。  
 反。斷。疑事也。解散也。又佳債反。怠慢也。又核。  
 詐。反。幾。音幾。度。幾也。又音祈。近也。又音過。  
 鏡解。幾冀。亦冀望字也。又音紀。錄也。過。光。  
 反。度也。罪過也。又音率。所律反。平例也。率。伏。  
 戈。經過也。度前也。屈。丘勿反。曲也。又君勿。  
 徐廣云。率即斂也。又音色類反。將帥也。屈。反。  
 姓也。又群勿反。盡。

也。強上。時讓反。位也。元在物之上。王。主也。又于  
 也。上。又时掌反。自下而上。王。主也。又于。  
 放反。霸王也。又盛也。藉。才昔反。名藉也。又薦。  
 又張丈反。長上也。也。培。勃回反。補也。又勝。音升。又難也。乃丹反。難。  
 危也。使所吏反。又相。息羊反。又沈。針甚。反。又針。  
 反。又沉禁。任入。今反。又棺。音官。又古玩。反。又  
 造到反。至也。妻。七。低反。費。非味。反。用也。又音。  
 也。

## 謚法解

唐本元曰字子質同

惟周公旦太公望開嗣王業建功于牧野終  
將葬乃荆謚遂叙謚法謚者行之迹號者功  
之表古者有大功則賜之善號以爲稱也車服者位之章也是  
以大行受大名細行受細名行出於已名生  
於人名謂號謚

民無能名曰神不名一善一德不懈曰簡委曲  
靖民則法曰皇靖安平易不訾曰簡不信  
德象天地曰帝同於天帝

尊賢貴義曰

尊事賢人寵貴義士

仁義所往曰王

民往歸之

敬事供上曰恭

供奉也

立志及衆曰公

志無私也

尊賢敬讓曰恭

敬有德讓有功

執應八方曰俟

所執行八方應之

既過能改曰恭

知言自

賞慶刑威曰君

能行四者

執事堅固曰恭

守正不移

從之成羣曰君

民從之

愛民長弟曰恭

順接弟長

揚善賦簡曰聖

所稱得人所善  
迎待得實所賦得簡

執禮御賓曰恭

迎待  
得賓也

敬賓厚禮曰聖

厚於禮

疏親之闕曰恭

脩德以益之

照臨四方曰明

以明照之

尊賢讓善曰恭

不專已善推於人

譖訴不行曰明

逆知之故不行

威儀悉備曰欽

威則可畏儀則可象

經緯天地曰文

成其道

大慮靜民曰定

思樹惠

道德博聞曰文

無不知

純行不爽曰定

行一不傷

學勤好問曰文

不耻下問

安民大慮曰定

以慮安民

慈惠愛民曰文

惠以成政

安民法古曰定

不失舊意

愍民惠禮曰文

惠而有禮

辟地有德曰襄

取之以義

賜民爵位曰文

與同安民以居

甲胄有勞曰襄

函征以事

小心畏忌曰僖

思所當忌

剛疆真理曰武

剛無欲疆不屈

懷忠恕正曲直

質淵受諫曰釐

深故能愛

諫爭不威曰德

不以威拒諫

有罰而還曰釐

知難而退

威彊敵德曰武

與有德者敵

溫柔賢善曰懿

性純淑

克定禍亂曰武

以兵往故能定

心能制義曰度

制事得宜

刑民克服曰武

法以正民能使服

聰明睿哲曰獻

有通知之聰

夸志多窮曰武

大志行兵多所窮極

知質有聖曰嚴

有所通而然蔽

安民立政曰成

政以安定

五宗安之曰孝

之宗

淵源流通曰康

性無

慈惠愛親曰孝

周愛族親

溫柔好樂曰康

好豐年勤民事

秉德不回曰孝

順於德而不違

安樂撫民曰康

無四方之虞

協時肇厚曰孝

肇始能自合

合民安樂曰康

富而教之

孰心克莊曰齊

能自嚴資輔佐

布德孰義曰穆

故穆

貲輔就共曰齊

而共成

中情見貌曰穆

性公露

正宗安之曰穆

之宗垂

甄心動懼曰頃

甄精

容儀恭羨曰昭

有儀可象恭行可美

敏以敬慎曰頃

疾於所慎敬

昭德有勞曰昭

能勞謹

柔德安衆曰靖

成衆使安

聖聞周達曰昭

聖通合

恭已鮮言曰靖

恭已正身少言而中

治而無眚曰平

無災罪也

寬樂令終曰靖

性寬樂義以善自終

孰事有制曰平

不任意

威德剛武曰圉

禦亂

布剛治紀曰平

蒞之彌年壽考曰胡久也

由義而濟曰景

用義而成

保民者艾曰胡

六十日耆

耆意大慮曰景

耆強也

布義行剛曰景

以剛行義

追補前過曰剛

勤補過善以

清白守節曰貞

行清白執志固

猛以剛果曰威

猛則少寬能大慮非

大慮克就曰貞

能正而何

猛以彊果曰威

強甚於剛

不隱無屈曰貞

恒然無私

疆義執正曰威

問正言無邪

辟土服遠曰桓

以武定不襄

治典不殺曰祁

秉常以不襄

大慮行節曰孝

言成其節

辟土兼國曰桓

兼人故土

治民克盡曰使

克盡無恩惠

能思辯衆曰元

別之使各有次

好和不爭曰安生而行義說民曰元其義

道德純一日思德一

始建國都曰元

非善之長何以始之

大省兆民曰思

大親民而不殺

主義行德曰元

以義爲主行德政

外內思索曰思

言求善

聖善周聞曰宣

聞謂所聞善事也

追悔前過曰思

思而能改

兵甲亟作曰莊

以數征爲嚴

行見中外曰慤

表裏

叡圍克服曰莊

通邊圉使能服

狀古述令曰譽

立言之稱

勝敵志強曰莊

不撓故勝

昭功寧民曰商

明有功者

死於原野曰莊

死嚴何以死難

克毅秉政曰夷

秉政任賢不

屢征殺伐曰莊

以嚴之

安心好靜曰夷

政不爽

武而不遂曰莊武功執義揚善曰德稱人之善

柔質慈民曰惠知其性

慈仁短折曰懷短未六十折未三十

愛民好與曰惠與謂施與

夙夜警戒曰敬敬身急戒

以武立功

秉德尊業曰烈

合善典法曰敬非敬何

剛克為伐曰翼伐功也

剛德克就曰肅成其敬

使爲終

思慮深遠曰翼小心

翼翼

執心決斷曰肅

果言嚴

外內貞復曰白正而復一

始終

不生其國曰聲生於外家

不勤成名曰靈任本性不見賢思齊

未家短折曰傷未家未娶

死而志成曰靈志事不

愛民好治曰戴好民治

死見神能曰靈

有鬼不爲厲

典禮不愆曰戴

無過

亂而不損曰靈

不能以治損亂

短折不成曰殤

有知而夭殤

好祭鬼怪曰靈

瀆鬼神不致遠

隱拂不成曰隱

不以隱括改其性

極知鬼神曰靈

其智能徹

不顯尸國曰隱

以間主國

見羨堅長曰隱

美過其令

殺戮無辜曰厲

官人應實曰知人

能官

悞恨遂過曰刺

去諫曰悞反是曰恨

肆行勞祀曰悼

放心勞於禋祀言不脩德

不思忘愛曰刺

忘其愛已者

年中早夭曰悼

年不稱志

蚤孤短折曰哀

早未知人事

恐懼從處曰悼

從處言險圮

恭仁短折曰哀

體恭貨仁功未施

凶年無穀曰荒

不務耕稼

好變動民曰躁

數從外

外內從亂曰荒

家不耕於官不治

不悔前過曰戾

知而不改

好樂怠政曰荒

淫於聲樂急於政事

怙威肆行曰醜

肆意威行

在國遭憂曰愍

仍多大喪

壅遏不通曰幽

弱損於位而卒

蚤孤鋪位曰幽

鋪位即國無政

禍亂方作曰愍

動長亂

動祭亂常曰幽

易神之班

使民悲傷曰愍

苛政害

柔質愛諫曰慧

以虛受人

貞心大度曰匡

心正而用察少

名實不爽曰質

不爽言胡應其德

德正應和曰莫

正其德和其人

溫良好樂曰良

好可樂言其人可

施勤無私曰類

無私唯義所在

慈和徧暱曰順

能使人皆其慈和

思

思慮果遠曰明

自任多能

博聞多能曰憲

雖多能不至

於專

嗇於賜與曰愛

言貪慘

滿志多窮曰惑

自足者必不惑

危身奉上曰忠

險不辭難

忠慮不爽曰厚

不差所思而得

克威捷行曰魏

有威而敏行

好內遠禮曰煬

明淫於家不奉禮

克威惠禮曰魏

惠雖威不逆禮

去禮遠衆曰煬

不率禮不親長

教誨不倦曰長

以道教之

內外賓服曰正

言以正服之

肇敏行成曰直

始疾行成言不深

彰義捨過曰堅

明義以蓋前過

跡遠繼位曰紹

非其弟過得之

華言無實曰夸

恢誕

好廉自克曰節

自勝其情欲

逆天虐民曰抗

背尊大而逆之

好更改舊曰易

變故而改常

名與實爽曰繆

言名美而實傷

愛民在刑曰克

道之以政齊之以法

擇善而從曰比

比方善而從之

除殘去虐曰湯

隱哀也景武也施德為文除惡為武辟地為

襄服遠為桓剛克為僖施而不成為宣惠無  
內德為平亂而不損為靈由義而濟為景餘  
皆象也以其所為謚和會也勤勞也專脩也  
爽傷也肇始也怙恃也享祀也胡大也秉順  
也就曾也錫與也典常也肆放也康虛也睿  
聖也惠愛也綏安也堅長也耆彊也考成也  
周至也懷思也武法也布施也敏疾也速也

載事彌文以前周書謚法周代君王並取作

謚故全寫一篇以傳後學

列國分野

○漢書地理志云本秦京師為內史

顏師古  
云京守

天子所居畿內也秦并天下改立郡縣而京畿所統時號內史言其在內以別於諸郡師也百官表云內史周官秦因之掌治京師景帝二年分置左內史右內史武帝太初元年更名京兆尹左內史馮翊王爵士尉秦官掌列侯景帝六年更名都尉武帝太初元年更名右扶風治內史與左鴻臚京兆尹是為三輔也

秦地於天官東井輿鬼之分埜其界自弘農

故關以西京兆扶風馮翊北地上郡西河安  
定天水隴西南有巴蜀廣漢犍為武都西有  
金城武威張掖酒泉敦煌又西南有牂柯越  
嶲益州

南西蜀今嘉州安寧更始漢今河東

魏地甯羈參之分埜其界自高陵以東盡河  
東河內南有陳留及汝南之召陵澠彊新汲  
西華長平潁川之舞陽郾陵河南之開封中

年陽武酸棗卷

卷去  
權反

周地柳七星張之分壘今之河南洛陽穀城

平陰偃師鞏緜氏

韓地角亢氏之分壘韓分晉得南陽郡及潁川之父城宜陵襄城潁陽潁陰長社陽翟鄭東接汝南西接弘農得新安宜陽鄭今河南之新鄭及成臯滎陽穎川之崇高城陽趙地昂畢之分壘趙分晉得趙國北有信都真定常山又得涿郡之高陽莫州鄉東有廣寧

平鉅鹿清河河間又得渤海郡之東平舒中邑文安東州成平章武河以北也南至浮水繁陽內黃丘丘西有太原宮襄雲中五原上

黨

燕地尾箕之分壘呂公封於燕後三十六世與六國俱稱王東有漁陽右北平遼西遼東西有上谷代郡鴈門南有涿郡之易容城范陽北有新城故安涿縣良鄉新昌及渤海之

安次樂浪玄菟亦宜屬焉

齊地虛危之分墾東有留川東萊瑯耶高宋  
膠東南有泰山城陽北有千乘清河以南渤海  
之高樂高城重合陽信西有濟南平原也  
魯地奎婁之分墾東至東海南有泗水至淮  
得臨淮之下相睢陵僅取慮

宋地房心之分墾今之沛梁楚山陽濟陰東  
平及東郡之須昌壽張今之睢陽

衛地營室東壁之分墾今之東郡及魏郡之  
黎陽河內之野王朝譖

楚地翼軫之分墾今之南郡江夏零陵桂陽  
武陵長沙及漢中汝南郡後陳魯屬焉  
吳地斗牛之分墾今之會稽九江丹陽豫章  
廬江廣陵六安臨淮郡

粵地牽牛婺女之分墾今蒼梧鬱林合浦交  
趾九真南海日南

以前是戰國時諸國界域及相侵伐，犬牙深入，然亦不能委細，故略紀之，用知

太  
畧

# 史記正義論例謚法解

## 史記目錄

司馬貞張守節隋唐明皇時人也

集解 宋中郎外兵曹參軍裴 駟  
補史 唐朝散大夫國子博士弘文館

學士河內司馬 貞

索隱 唐朝散大夫國子博士弘文館  
學士河內司馬 貞

正義 唐諸王侍讀宣義郎守右清道

率府長史張 守節

帝紀

第一卷

史記一

三皇司馬貞補史

五帝

唐虞堯舜大禹黃帝

帝顙頊

少皞顓頊

帝嚳

帝堯

唐虞堯舜大禹黃帝

第二卷

史記二

夏

第三卷

史記三

殷

第四卷

史記四

周

第五卷

史記五

秦昭襄王

莊襄王

第六卷

史記六

秦始皇帝

二世皇帝

第七卷

史記七

楚項羽

漢書列傳第一、陳勝同傳

第八卷

史記八

漢高祖

漢書帝紀第一

惠帝同第三

第九卷

史記九

呂太后

同第三

第十卷

史記十

孝文帝

同第四

第十一卷

史記十一

孝景帝

同第五

第十二卷

史記十二

孝武帝

同第六

年表

第一卷

史記十三

三代世表

第二卷

史記十四

十二諸侯年表

第三卷 史記十五

六國年表

第四卷 史記十六

秦楚之際月表

第五卷 史記十七

漢興以來諸侯年表

第六卷 史記十八

高祖功臣侯年表

第七卷 史記十九

惠景間侯者年表

第八卷 史記二十

建元以來侯者年表

第九卷 史記二十一

建元以來王子侯者年表

第十卷 史記二十二

漢興以來將相名臣年表

八書

第一卷

史記二十三

禮書

第二卷

史記二十四

樂書

第三卷

史記二十五

律書

第四卷

史記二十六

歷書

第五卷

史記二十七

天官書

第六卷

史記二十八

封禪書

第七卷

史記二十九

河渠書

第八卷

史記三十

平準書

世家

第一卷

史記三十一

吳太伯

第二卷

史記三十二

齊太公

第三卷

史記三十三

魯周公

第四卷

史記三十四

燕召公

第五卷

史記三十五

管蔡

第六卷

史記三十六

陳杞

第七卷

史記三十七

史記卷八十八

衛康叔

第八卷

史記三十八

宋微子

第九卷

史記三十九

晉

第十卷

史記四十

楚

第十一卷

史記四十一

越王勾踐

第十二卷

史記四十二

鄭

第十三卷

史記四十三

趙

第十四卷

史記四十四

魏

第十五卷

史記四十五

韓

第十六卷

史記四十六

田敬仲完

第十七卷

史記四十七

孔子

第十八卷

史記四十八

陳涉

漢書列傳第一

第十九卷

史記四十九

外戚

薄太后  
尹婕妤  
漢書列傳六十七

竇太后  
邢夫人  
衛皇后

衛子夫

第二十卷

史記五十

楚元王

漢書列傳第六

第二十一卷

史記五十一

荆燕王

同第五  
唐李壁注

第二十二卷

史記五十二

齊悼惠王

同第八

第二十三卷

史記五十三

蕭相國 同第十九

第二十四卷 史記五十四

曹相國 同上

第二十五卷

史記五十五

留侯

同第十

第二十六卷

史記五十六

陳丞相

同

第二十七卷

史記五十七

繆絳侯

同上

第二十八卷

史記五十八

梁孝王

濟川王

濟東王

山陽王

齊陰王

同第十七

第二十九卷

史記五十九

五宗

同二十三

梁平侯

第三十卷

史記六十

三王

同三十三

史記卷六十一

史記六十一

伯夷

第二卷

史記六十二

管仲

第三卷

史記六十三

晏平仲

老子

第四卷

史記六十四

申不害

史記六十五

莊子

史記六十六

韓非子

司馬穰苴

甘藷

第五卷

史記六十五

孫武

吳起

第六卷

史記六十六

伍子胥

史記六十七

第七卷

史記六十八

仲尼弟子

第八卷

史記六十九

商君鞅

第九卷

史記六十九

蘇秦

第十卷

史記十七

張儀

公孫衍

史記陳軫

第十一卷

樗里子

史記甘茂

第十二卷

甘羅

史記七十二

穰侯

史記七十三

第十三卷

史記七十四

白起

史記七十五

第十四卷

史記七十六

孟軻

史記七十七

慎到

史記七十八

荀卿

第十五卷

史記七十五

孟嘗君

第十六卷

史記七十六

平原君

第十七卷

史記七十七

信陵君

第十八卷

史記七十八

春申君

第十九卷

史記七十九

范雎

蔡澤

第二十卷

史記八十

樂毅

第二十一卷

史記八十一

廉頗

趙奢

李牧

第二十二卷

史記八十二

田單

第二十三卷

史記八十三

魯仲連

鄒陽

漢書列傳  
主

第二十四卷

史記八十四

原屈

賈誼

同十八

第二十五卷

史記八十五

呂不韋

第二十六卷

刺客

史記八十六

曹沫

專諸

豫讓

聶政

荆軻

樊噲

第二十七卷

史記八十七

李斯

史記八十八

蒙恬

第二十八卷

史記八十八

第二十九卷

史記八十九

張耳

漢書列傳二  
第

陳餘

同上

第三十卷

史記九十

魏豹

同第三

彭越

同第四

第三十一卷

史記九十一

黥布

同第四

第三十二卷

史記九十二

淮陰侯

同上

第三十三卷

史記九十三

韓王信

同第三

盧綰

陳豨  
同第四

第三十四卷

史記九十四

田儋

同第三

田橫

同

第三十五卷

史記九十五

樊噲

同十一

酈商

並同

第三十六卷

史記九十六

張蒼 同十二

周昌 同

任敖 同

申屠嘉 同

章賢 同四十三

魏相 同四十四

邴吉 同四十四

黃霸 同五十九

董玄成 同四十三

匡衡 同五十一

第三十七卷

史記九十七

酈食其 同十三

陸賈 同五十一

朱建 同

史記九十八

第三十八卷

史記九十八

傅寬 同十一

靳歙 同

周縹 同

史記九十九

第三十九卷

史記九十九

劉敬 同十三

史記一百

第四十卷

史記一百

季布 同十七

史記一百

第四十一卷

史記一百一

袁盎 同十九

中鼃錯 同

第四十二卷

史記一百二

張釋之 同二十

馮唐 同

第四十三卷

史記一百三

萬石君 同十六

衛綰 同十五

直不疑

周文

張叔 並同上

第四十四卷

史記一百四

田叔子仁 同第七

任安

第四十五卷

史記一百五

竊鵠

太倉公

第四十六卷

史記一百六

吳王濞

漢書列傳第五

第四十七卷

史記一百七

魏其侯

同二十二

武安侯

灌夫

並同

閨  
志  
錄

名龍衣字子故別号鳴鳳餽主人初文太師  
或曰修齡男譖也著雲遊子錄、內後錄  
鳴鳳餽漫錄 文化五年五月十七日沒  
享年四十三葬于昌川海晏寺

第四十八卷

史記一百八

韓長驥同上

第四十九卷

史記一百九

李廣

同二十四

第五十卷

史記一百一十

匈奴

同六十四

第五十一卷

史記一百一十一

衛青

同二十五

霍去病

或本

公孫賀

同三十六

李息

公

李蔡

同十四

李沮

公

公孫放

同十四

張次公

公

蘇建

同十四

趙信

公

張騫

同十四

趙食其

公

曹襄

同十四

郭昌

公

荀彘

同十四

路博德

公

趙破奴

同十四

史記一百一十二

公

公孫弘

同二十八

史記一百一十三

公

第五十二卷

史記一百一十二

公

南越尉佗

同六十五

史記一百一十三

公

第五十四卷

史記百一十四

東越

同上

第五十五卷

史記百一十五

朝鮮

同上

第五十六卷

史記百一十六

西南夷

同上

第五十七卷

史記百一十七

司馬相如

同二十七

第五十八卷

史記百一十八

淮南厲王

同十五

淮南王安

衡山王

並同

第五十九卷

循吏

史記百九十一

孫叔敖

子產

公儀休

石奢

李離

第六十卷

史記百二十

汲黯 漢書列傳二十 鄭當時

第六十一卷 儒林 史記百二十一

申生公父 同五十八 輅固生

韓生

伏勝

董仲舒 同二十六 胡母生

第六十二卷

酷吏

史記百二十二

郅都 同六十

竊成

周陽由

趙禹

張湯 同二十九

義縱

王溫舒

尹齊

楊僕

減宣

杜周

同三十

第六十三卷

史記百二十三

大宛

同三十一 張騫傳

烏孫

康居

安息

第六十四卷

游俠

史記百二十四

朱家 同六十二

田仲

劇孟

王孟

郭解 並同

第六十五卷 侯辛

史記百二十五

鄧通 同六十三

韓嫣

李延年 並同

第六十六卷

渭籍

史記百二十六

淳于髡

優孟

優旃

郭舍人

東方朔

漢書列傳  
三十五

東郭先生

王先生

西門豹

第六十七卷

日者

史記百二十七

司馬季主

第六十八卷

龜策

史記百二十八

宋元王

衛平

第六十九卷

貨殖

史記百二十九

范蠡

計

侯書列傳李平  
唐宋元計蠡二字

子貢

白圭

王

猗頓

烏氏

王

程鄭

二十八

蜀卓氏

王

宛孔氏

師史

王

史任氏

二十士

第七十卷

太史公自序

史記

百三十

帝紀一十二卷

年表一十卷

八書八卷

世家三十卷

列傳七十卷

史記目錄終

## 補史紀

小司馬氏撰并注

小司馬氏云。太史公作史記。古今君臣宜應。上自開闢下迄當代。以爲一家之首尾。今闕三皇而以五帝爲首者。正以下大戴禮有五帝德篇。又帝世皆叙自黃帝已下。故因以五帝本紀為首。其實三皇已還。載籍罕備。然君臣之始教化之先。既論古史。不合全闕近代。皇甫謐作帝王代紀。徐整作日五歷。皆論三皇已來事。斯亦近古。一之一證。今並採而集之。作三皇本紀。

洪雖復淺近

聊補闕云

太皞庖犧氏。風姓。代燧人氏。繼天而王。母曰

關藝曰。固矣哉。小司馬取董帝以來其說。雅馴者即所以為太史公有良史之才也。賈謐等妄說。作三皇本紀。而曰。老子長氏。画蛇足則不信也。加之索隱之鑿也。本贊之陋也。共所不取也。

華胥履大人迹於雷澤而生庖犧於成紀蛇

按伏犧風姓出國語其華胥已下出帝玉也絕然雷澤澤名即舜所漁之地在濟陰成紀亦地可望見之

名按天水有成紀縣本聖德仰則觀象方天

俯則觀法於地，旁觀鳥獸之文與地之宜，近

取諸身遠取諸物始畫八卦以通神明之德

以類萬物之情造書契以代結繩之政於是

始制嫁娶以儻皮為禮。按譙周古史考。伏羲制嫁娶以儻皮為禮。

也  
結網罟以教佃漁故曰宓犧氏

伏音養犧牲以庖厨故曰庖犧有龍瑞以龍紀

官號曰龍師作三十五弦之瑟木德王注春

令故易稱帝出乎震月令孟春其帝太皞是  
一統志古任羲所都周封舜後號此今加列屬閼封

一統志云：太廟在陳州府北三里，今載祀典祭焉。

按位在東方，象日之都。都於陳東，封太山立  
明故稱太皞。皞明也。

**一百一十一年崩** 按皇甫謐伏犧葬南郡或曰冢在山陽高平之西也

其後荀卿當春秋時有任宿須句顓臾皆風姓

之胤也。

女媧氏亦風姓。蛇身人首。有神聖之德。代宓

犧立號曰女希氏無革造惟作笙簧

按禮明  
堂位又

世本皆云女媧作黃故易不載不承五運一曰女媧亦木德王蓋宓犧之後已經數世金木輪環周而復始特舉女媧以其功高而充三皇故頻木王也當其末年也諸侯有共工氏任智刑以彊霸而不王以水乘木乃與祝融戰不勝而怒乃頭觸不周山崩天柱折地維缺女媧乃鍊五色石以補天斷鼈足以立四極聚蘆

灰以止滔水以濟冀州

按其事出淮南子也

天成不改舊物安媧氏沒神農氏作

按三皇  
記者不

同譙周以燧人爲皇宋  
玄依春秋秋緯以女媧爲  
同今依之易疏引世紀司馬遷氏沒廿九  
氏史氏栗陸氏驥連氏赫胥  
氏陰張氏元懷氏凡十五母矣

均以祝融爲皇而鄭  
皇承伏羲皇甫謐亦  
代立於其皇亦孔姓也。燭氏之後有大庭氏柏共  
古氏尋盧氏混沌氏韓英氏有莘氏朱襄氏皆  
自習包犧氏之號。

炎帝神農氏，姜姓。母曰安登，有嬌氏之女，為少典妃。感神龍而生炎帝，人身牛首，長於姜。

水因以為姓按國語炎其母又皆

**水因以為姓** 按國語炎帝、黃帝皆少典之子。及古史考，炎帝之後凡八代五百餘年，軒轅氏代之。豈炎帝黃帝是昆弟而同母氏乎？皇

疏引世紀司哲仕已有時  
其名言廿堂妙少與二品遊  
山之陽有神龍首感廿  
立於當年生老辛人身  
首長於薪水有靈德

疏引世紀司哲仕已有時  
其名言廿堂妙少與二品遊  
山之陽有神龍首感廿  
立於當年生老辛人身  
首長於薪水有靈德

蠻  
五代

甫 謐以爲少典有媧氏諸侯國號然則姜姬二帝同出少典氏黃帝之母又是神農母氏

之後代文所同是有媧氏女也火德王故曰炎帝以火名官

家辭三斷木耜  
斧木耜之利以  
天下之生焉而退  
是其所蓋取焉

許林氏下有之

一任  
蠻

言平初平歎下袁  
天下之生焉而退  
是其所蓋取焉

斲木為耜揉木為耒耒耜之用以教萬人始  
教耕故號神農氏於是作蜡祭以赭鞭鞭草  
木始嘗百草始有醫藥又作五弦之瑟教人  
日中為市交易而退各得其所遂重八卦為  
六十四爻初都陳後居曲阜按今淮陽有神農井又左傳魯有太康氏之庫是也立一百二十年崩葬長沙神農本

起烈山故左氏稱烈山氏之子曰柱亦曰厲

山氏禮曰厲山氏之有天下是也

按鄭玄云厲山神農

所逃亦曰有烈山皇甫謐曰厲山今隨之厲鄉也

神農納奔水氏之

女曰聽談為妃生帝哀哀生帝克克生帝榆

因凡八代五百三十年而軒轅氏興焉

農之

後凡八代事見帝王代紀及古史考然古典亡矣祝譙望二代皆前聞君子考按古書而

爲此說豈至今鑿空乎此紀亦據以爲說其易孺神農氏沒即榆罔榆猶襲神農之號

其後有州甫甘許戲露齊紀怡向申呂皆

跋易正義下錄  
疏引上書納奔水  
經説生帝榆四次  
辛酉次辛卯次辛酉  
壬辰次辛未次辛未  
癸巳次辛未次辛未  
甲午次辛未次辛未  
乙未次辛未次辛未

亦一任

姜姓之後並為諸侯或分四岳當周室甫侯

申伯為王賢相齊許列為諸侯霸於中國蓋

聖人德澤廣大故其祚胤繁昌久長云

一說三皇謂天皇地皇人皇為三皇既開

闢之初君臣之始圖緝所載不可全弃故無

序之天地初立有天皇氏十二頭躋泊無所

施為而俗自化木德王歲起攝提兄弟十二

人立各一萬八千歲

蓋天地初立神人首出行化故其年世長久也

然言二十二頭者非謂一人之身有二十頭蓋古質比之鳥獸頭數故也

地皇十

一頭火德王姓十六人興於熊耳龍門等山

亦各一萬八千歲人皇九頭乘雲車駕六羽

出谷口兄弟九人分長九州各立城邑凡一

百五十世合四萬五千六百年

天皇已下皆出河圖久三

五歷也故曰五燧人氏按其君鑽燧出火教人熟食

龍氏也

在伏犧氏前蕭周以爲三皇

之首大庭氏相皇氏中央氏卷須氏栗陸氏

驪連氏赫胥氏尊盧氏渾沌氏昊英氏有巢氏朱襄氏葛天氏陰康氏無懷氏斯蓋三皇已來有天下者之號按皇甫謐以爲大庭已之號事不經見難可依從然按古封太山者首有無懷氏乃在太昊之前豈得如謐所說但載籍不紀莫知姓王年代所都之處而韓詩以為自古封太山禪梁甫者萬有餘家仲尼觀之不能盡識管子亦曰古封太山七十一家夷五所識十有二焉首有無懷氏然則二家夷五所識十有二焉首有無懷氏然則

無懷之前天皇已後年紀悠邈皇王何昇而告但古書亡矣不可備論豈得謂無帝王耶故春秋緯稱自開闢至於獲麟凡三百二十七萬六千歲分為十紀凡世七萬六百年一曰九頭紀二曰五龍紀三曰攝提紀四曰合離紀五曰連通紀六曰序命紀七曰脩飛紀八曰回提紀九曰禪通紀十曰流訖紀蓋訖當黃帝時制九紀之間是以錄於此補紀

之也

# 三皇本紀

補史記

## 五帝本紀第一

史記一

隋志里記音義  
十二章考  
裴駟曰凡是以別  
之餘者悉是駟註解并集衆一家義  
司馬貞索隱曰紀者記也本其事而  
記之故曰本紀又紀理也絲縷有紀

而帝主書稱紀者  
言爲後代網紀也

西義曰鄭玄注中候勅省圖云德合  
五帝坐星者稱帝又坤靈圖云德配

天地在正不在私曰帝按太史公依  
世本大戴禮以黃帝顓頊帝嚳唐堯  
虞舜爲五帝譙周應劭宋均皆同而  
孔安國尚書序皇甫謐帝王世紀孫  
氏注世本並以伏犧神農黃帝爲三  
皇少昊顓頊高辛唐堯爲五帝裴松

志書事候立卷  
注梁書卷之二

之史目云天子稱本紀諸侯曰世家  
本者繫其本系故曰本紀者理也統  
理衆事繫之年月名之曰紀第者次  
序之日一者舉數之由故曰五帝本  
紀第二○又曰禮云動則左史書之  
言則右史書之正義云左陽故記動  
右陰故記言爲尚書事爲春秋  
按生春秋時置左右史故云史記也

**黃帝者**徐廣曰號有熊○索隱曰按有土德  
之瑞土色黃故稱黃帝猶神農火德  
王而稱炎帝然也此以黃帝爲五帝之首蓋  
依大戴禮五帝德又譙周宋均亦以爲然而  
孔安國皇甫謐帝王代紀及孫氏註系本並  
以伏犧神農黃帝爲三皇少昊高陽高辛唐  
虞爲五帝註號有熊者以其本是有熊國君  
之子故也鄭軒轅之丘因以爲名又以爲號

疏引世紀說黃帝有  
長與三子姬姓母  
而生少婦氏之母附  
太電之繞北斗樞星  
於野感附莖草  
而生黃帝於泰山  
德戰蚩尤游於  
山

又據左傳亦號帝鴻氏也○正義曰輿地志  
云涿鹿本名彭城黃帝初都遷有熊也按黃  
帝有熊國君乃少典國君之次子號曰有熊  
氏又曰繻雲氏又曰帝鴻氏亦曰帝軒氏母  
曰附寶之祁野見大電繞北斗樞星感而懷  
孕二十四月而生黃帝於壽丘壽丘在魯東  
門之北今在兗州曲阜縣東北六里生日角  
龍顏有景雲之瑞以土德王故曰黃帝封泰山  
山禪亭亭少典之子譙周曰有熊國君少典  
在牟陰少典之子之子也皇甫謐曰有熊  
今河南新鄭是也○索隱曰少典者諸侯國  
號非人名也又按國語云少典娶有蟜氏女  
而生炎帝炎帝亦少典之子炎黃二帝雖則  
承帝王代紀中間凡隔八帝五百餘年若以  
少典是其父名豈黃帝經五百餘年而始代  
炎帝後爲天子乎何其年之長也又按秦本

鄭曰作軒冕之服  
故曰軒轅

紀云顓頊氏之裔孫曰女脩吞玄鳥之卵而生大業大業娶少典氏而生栢翳明少典是國號非入名也黃帝即少典氏後代之子孫賈達亦以左傳高陽氏有才子八人亦謂其後代子孫而稱為子是也蕭周字允南蜀人魏散騎常侍徵不拜此註所引者是其人所著古史考之說也皇甫謐字士安晉人號玄晏先生今所引者是其所作帝王世紀也姓公孫名曰軒轅索隱曰按皇甫謐云黃帝爲姓居軒轅之丘因以爲名又以爲號是本姓公孫長居姬水因改姓姬生而神靈弱而能言素隱曰弱謂幼弱時也蓋未合能言之時而黃帝即言所以爲神異也潘岳有哀弱子篇其子未七旬曰弱○正義曰言神異也易曰陰陽不測之謂神

書云人惟萬物之剗而徇齊徐廣曰墨子曰靈故謂之神靈也明心慮無不徇通矣賈案徇疾齊速也言聖德幼而疾速也○索隱曰斯文未明今案徇齊皆德也書曰聰明齊聖左傳曰子雖齊聖齊謂聖德齊肅又按孔子家語及大戴禮並依斂齊一本作慧齊斂慧皆智也大史公採大戴禮而爲此紀今彼文無作徇者史記舊本亦有作濟齊蓋古字假借徇爲濟濟深也義亦並通爾雅齊速俱訓爲疾尚書大傳曰多聞而齊給鄭註云齊疾也今裴氏註云徇亦訓疾未見所出或當讀徇爲迅迅於爾雅與齊俱訓疾則迅濟雖異字而音同也又爾雅曰宣徇遍也濟通也是遍之與通義亦相近言黃帝幼而才智周徧且辯給也故墨子云年踰五十則聰明心慮不徇遁矣俗本作

十五、非是。按謂年老踰五，長而敦敏，成而聰。

十一、不聰明，何得云十五。  
正義曰：成謂年二十，冠成人也。聰明，聞

明見，明辯也。此以上至軒轅皆大戴禮文車

轅之時，神農氏世衰。

皇甫謐注

沒，神農氏作是爲炎帝。

班固曰：教民耕農，故號曰神農。○索隱曰：此

衰謂神農後代子孫道德衰薄，非指炎帝之

身。即班固所謂參虛皇甫謐所云帝榆罔是也。○正義曰：帝王世紀云：神農氏姜姓也。母

曰任奴，有嬌氏。女登爲少典妃，遊華陽有神龍首感，生炎帝。人身牛首，長於姜水，有聖德

以火德，王故號炎帝。初都陳，又徙魯，又曰魁隗氏。又曰連山氏。又曰列山氏。括地志云：厲

山在隨州隨縣北百里。山東有石穴，曰神農生於厲鄉。所謂列山氏也。春秋時爲厲國。

諸侯相侵伐，暴虐百姓，而神農氏弗能正於

是。軒轅乃智用干戈，臣征不享。

索隱曰：謂用干戈以征諸

侯之不朝享者。本或作亭亭。諸侯不直者，謂以征諸侯之不直者。

諸侯咸來賓從

而蚩尤最為暴，莫能伐。

應劭曰：蚩尤古天子，孔子三朝記曰

蚩尤庶人之貪者。○索隱曰：按此紀云：諸侯相侵伐，蚩尤最爲暴。則蚩尤非爲天子也。又

管子曰：蚩尤受廬山之金，而作五兵。明朱庶人蓋諸侯號也。劉向別錄云：孔子見魯哀公

問政，比三朝退而爲此記。故曰：三朝凡七篇，並入大戴禮。今此文見用兵篇也。○正義曰：

龍魚河圖云：黃帝攝政，有蚩尤兄弟八十一人，並獸身人語，銅鐵額，食沙，造五兵，仗刀戟。

大怒威振天下誅殺無道萬民欽命黃帝行天子事黃帝以仁義不能禁止蚩尤乃仰天而歎天遣玄女下授黃帝兵符伏蚩尤後天下復擾亂黃帝遂畫蚩尤形像以威天下謂蚩尤不死八方皆爲殄滅山海經云黃帝令應龍攻蚩尤蚩尤請周伯雨師以縱大風雨黃帝乃下天女曰魃以止雨止遂殺蚩尤孔安國曰九黎君號蚩尤是也炎帝欲侵陵諸侯諸侯咸歸軒轅軒轅乃修德振

兵正義曰治五氣王肅曰五行之氣○索隱振整也

王肅曰五甲之氣夏丙丁

火氣之屬

藝五種王肅曰藝云樹也詩云藝之荏菽周

是五氣也

禮曰穀宜五種鄭玄曰五

種黍稷菽麥稻也

○索隱曰藝音彘藝種也

樹也五種即五穀也

音朱用反此註所引見

詩大雅生民之篇爾雅云荏菽戎也郭贊曰今之胡豆鄭氏曰豆之大者是也○正義曰藝音魚曳反種音腫撫萬民度四方王肅曰度四方而安撫之○正義曰洛反教熊羆貔貅虎索隱曰書云如虎孤禮曰前摶擊獸則載貔貅是也爾雅又曰貔貅似狸此六者猛獸可以教戰周禮有服不氏掌教擾猛獸即古服牛乘馬亦其類也○正義曰熊音雄羆音碑貔音昆狔音休貔音丑于反罿如熊黃白色郭璞云貔執夷虎屬也按言教士卒習戰以猛獸之名名之用威敵以與炎帝戰於阪泉之野服虔曰阪泉也名皇甫謐

曰在上谷○正義曰阪音白板反括地志云

阪泉今名黃帝泉在媯州懷戎縣東五十六

大小與闕冢等傳言黃帝興蚩尤戰於涿鹿之野黃帝殺之身體異處故別葬之○索隱曰按皇甫謐云黃帝使應龍殺蚩尤于凶黎之谷或曰黃帝斬蚩尤于中冀因名其地曰絕轡之野皇覽書名也記先代冢墓之處宜皇王之省覽故曰皇覽是魏人王象繆襲等所撰而諸侯咸尊軒轅為天子代神農氏是也而諸侯咸尊軒轅為天子代神農氏是為黃帝天下有不順者黃帝從而征之平者去之正義曰平服者卽去也披山通道徐廣曰披他本爲詁詁者旁其邊之謂也披語誠合今世然古今不必同也○索隱曰披音如字謂披山林草木而行以通道也未嘗寧居東至于海徐廣音詁恐稍迂也

里出五里至涿鹿東北與涿水合又有涿鹿故城在媯州東南五十里本黃帝所都也晉大康地理志云涿鹿城東一里有板泉上三有黃帝祠按金阪泉之野則平野之地也戰然後得其志正義曰謂黃帝克炎帝之後蚩尤作亂不用帝命正義曰言蚩尤不於是黃帝乃徵師諸侯與蚩尤戰於涿鹿之野服虔曰涿鹿山名在涿郡張晏曰涿鹿在上谷○索隱曰或作濁鹿古今字異其接地理志上谷有涿鹿縣然則服虔云在涿郡誤也遂禽殺蚩尤皇覽曰蚩尤冢在東平郡壽張縣闕鄉城中高七丈民常十月祀之有赤氣出如匹絳帛民名爲蚩尤旗肩髀冢在山陽郡鉅野縣重聚

生守歸文字未詳  
疑可有案字

# 登丸山

徐廣曰丸一作凡。騶按地理志曰丸山在郎耶朱虛縣。○索隱曰凡音扶

嚴反。○正義曰丸音紇。守節括地志唯有丸山。蓋凡山丸山是一山耳。諸處字誤或丸或凡也。

丹水出焉。丸音紇。守節括地志唯有丸山。蓋凡山丸山是一山耳。諸處字誤或丸或凡也。

漢書郊祀志云禪丸山顏師古云在朱虛亦與括地志相合。明丸山是也。及岱宗

正義曰泰山東岳也。在兗州博城縣西北三十里也。

西至于空桐曰山應劭

名韋昭曰登雞頭。索隱曰山名也。後漢王孟在龍右。

# 登雞頭

塞雞頭道在龍西一日崆峒山之別名。

○正義曰括地志云空桐山在肅州祿福縣東南六十里抱朴子內篇云黃帝西見中黃子受九品之方。獨空桐從廣成子受自然之經。即此山括地志又云笄頭山。

帝西見中黃子受九品之方。獨空桐從廣成子受自然之經。即此山括地志又云笄頭山。

一名崆峒山。在原州平陽縣西百里禹貢涇水所出。輿地志云或即雞頭山也。酈元云蓋

大麓山異名也。莊子云廣成子學道於崆峒山。黃帝問道於廣成子。蓋在此。按二處崆峒皆云黃帝登。

之未詳孰是。南至于江。登熊湘。

封禪書曰南

登熊山。地理志曰湘山在長沙益陽縣。○正義曰括地志云熊耳山在商州洛縣四十里。

齊桓公登之以望江漢也。湘山一名北逐葷。

鴈山。在岳州巴陵縣南十八里也。

○索隱曰唐虞以上有山戎獮狁葷粥居于北蠻。

○索隱曰匈奴別名也。唐虞已上曰山戎亦曰薰鬻。夏曰淳維。殷曰鬼方。周日獮狁。漢曰匈奴。○正義曰葷音薰鬻音育。

合符釜山。索隱曰合諸侯符契圭瑞而朝之。於釜山獨島會諸侯於塗山。然也。

又按郭子橫洞真記稱東方朔云東海大明之墟有釜山山出瑞雲應王者之符命如堯時有赤雲之祥之類蓋黃帝黃雲之瑞故曰合符應於釜山也○正義曰括地志云釜山在媯州懷戎縣北三里山上有舜廟而邑于涿鹿之阿廣平曰正義曰涿鹿山名已見上涿鹿故城在山下即黃帝所都之邑於山下平地遷徙往來無常處以師兵為營衛正義曰環繞軍兵門即其官名皆以雲命為雲帥應劭曰黃帝遺象應劭曰黃帝受命有雲瑞故以雲紀事也春官為青雲夏官為緇雲秋官為白雲冬官為黑雲中官為黃雲張晏曰黃帝有景雲之應正義曰因以名師與官置左右大監監于萬國正義曰

正義曰猶也

日監上監去聲下監平聲若周邵分陝也萬國和而鬼神山川封禪興為多焉徐廣曰多一作明○索隱曰與音羊汝反與猶許也言萬國和同而鬼神山川封禪祭祀之事自古以來帝皇之中推許黃帝以為多多猶大也獲寶鼎迎日推策晉灼曰策者數也迎者數之推之故曰迎日也○索隱曰接封禪書曰昔黃帝得寶鼎神策故下文云於是迎日推策也則是神策者乃神蓍也黃帝得神蓍遂以推算歷數於是乃迺知節氣與日辰之將來而推之故曰推策迎日也○正義曰策音策迎者通也黃帝受神策命大撓造甲子命容成造曆是也舉風后力牧常先大鴻鄭玄曰風后黃帝三公也

班固曰力牧黃帝相也○正義曰舉任用四人皆帝臣也帝王世紀云黃帝夢大風吹天  
下之塵垢皆去又夢人執千鉤之弩驅羊萬  
羣帝寤而嘆曰風為號令執政者也垢去土  
后在也天下豈有姓風名后者哉夫千鉤之  
弩異力者也驅羊數萬羣能牧民為善者也  
天下豈有姓力名牧者也於是依二占而求  
之得風后於海隅登以為相得力牧於大澤  
進以為將黃帝因著占夢經十一卷藝文志  
云風后兵法十三篇圖三卷孤虛二十卷力  
牧兵法十五篇鄭玄云風后黃帝之二公也  
按黃帝仰天地置列侯衆官以風后配上台  
天老配中台五聖配下台謂之三公也封禪  
書云鬼臾區號大鴻黃帝大臣也死葬雍故  
鴻冢是藝文志云鬼以治民順天地之紀正  
容區兵法三篇也

大戴禮記故  
正義曰幽明之占

正義曰幽陰明陽也占數也言

日言黃帝順天地

陰陽四時之紀也

幽明之占

正義曰幽陰明

陽也占數也言

陰陽五行黃帝占數而死生之說

徐廣曰一

知之此文見大戴禮

云幽明之

數合死生之說

○正義曰說謂儀制

也民之生死此謂作儀制禮則之說存亡之

正義曰說謂儀制

難索隱曰存亡猶安危也易曰危者安其位

也民之生死此謂作儀制禮則之說存亡之

正義曰說謂儀制

難也○正義曰難音乃憚反存亡猶生死

也黃帝之前未有衣裳屋宇及黃帝造屋宇

王肅曰時

制衣服營殯葬萬

是也○索

民故免存亡之難

時播百穀草木

王肅曰時

隱日為一句正義曰言順四

時之所宜而布種百穀草木也淳化鳥獸蟲

索

少詔作播時作

播

時

時

時

時

時

時

時

時

時

時

時

時

**蛾** 索隱曰、爲一句。蛾音牛、綺反、一作芻、芻言淳化廣被及之。○正義曰、蛾音魚、起反、又

音芻、芻音直氏反。蟻、蟻、蟻也。謂曰、有足曰蟻、無足曰蟻。

**旁羅日月星辰**

# 水波土石金玉

徐廣曰、波一作沃。○索隱曰、旁

戴禮作歷離離、即羅也。言帝德旁羅日月星辰水波及至土石金玉。謂日月揚光、海水不波、山不藏珍、皆是帝德、廣被也。○正義曰、旁羅猶遍布也。日月陰陽時節也。星二十八宿也。辰日月所會也。水波瀾漪也。言天不下異災、土無別害。水少波浪、山出珍寶。

# 心力耳目節用水火材物

正義曰、節時節也。

山野禁放也。材木也。物事也。言黃帝教民江湖陂澤山林原隰皆收採禁捕以時用之。有

孝德十二  
節令得其利也。大戴禮云、宰我問於孔子曰、弔聞榮伊曰、黃帝三百午請問黃帝者人耶何以至三百年。孔子曰、勞勤心力耳目節用水火、材物生而民得其利百年死而民畏其神。百年亡而民用其有土德之瑞故號黃帝。數百年故曰三百年。有土德之瑞故號黃帝。正義曰、螭音以刃反。黃帝二十五子其得姓者十四人。索隱曰、舊解破四爲三言得姓十三人耳。今按國語胥臣云、黃帝之子二十五宗其得姓者十人、爲十二姓、姬、酉、祁、己、滕、箴、任、荀、唐、姞、嬃、依、是也。唯青陽與夷鼓同己姓、又云青陽與蒼林爲姬姓、上則十四人、爲十二姓、其文甚明、唯姬姓再稱、青陽與夷鼓同己姓、又云青

誤所以致令前儒共疑其姬姓青陽當爲玄  
貴是帝嚳祖本與黃帝同姓其國語上文

青陽即是少昊金天氏爲已姓者耳既理存  
不疑無煩破四爲三○正義曰惟音力其反

姑其吉反嬪黃帝居軒轅之丘皇甫謐曰受  
音在宣反

黃帝居軒轅之丘國於有熊居

軒轅之丘故因以爲名又以爲號山海經曰

在窮山之際西射之南張晏曰作軒冕之服

故謂之而娶於西陵之女正義曰西陵國名也

是爲嬪徐廣曰祖一作俎螺力追反○索隱曰

祖一日雷祖音力堆反○正義曰一作嫫

祖爲黃帝正妃索隱曰按黃帝立四妃象后

氏女曰累祖生昌意次妃方雷氏女曰文節

牛青陽次妃彤魚氏女生夷鼓一名蒼林

次元妃西陵

妃嫫母班在三人之下按國語夷鼓蒼林是二人又按漢書古今人表形魚氏生夷鼓嫫母生蒼林不得如謐所說

生二千其後皆有天下其一曰

玄囂是爲青陽太史公曰據大戴禮以累祖

也皇甫謐以青陽爲少昊乃方雷氏所生是

其所見異也○索隱曰玄囂帝嚳之祖按皇

甫謐及宋哀皆云玄囂青陽即少昊也今此

紀下云玄囂不得在帝位則太史公意青陽

非少昊明矣而此又云玄囂是爲青陽當是

誤也謂二人皆黃帝子並列其名所以前史

因誤以玄囂青陽爲一人耳宋哀又云玄囂

青陽是爲少昊繼黃帝立者而史不叙蓋少

昊金德王非五運之次青陽降居江水正義曰括

地志云安陽故城在豫州新思縣西南八十  
里應劭云古江國也地理志亦云安陽古江

國也其二曰昌意降居若水索隱曰降下也言

昌意季

水出旄牛徼外東南至故關爲若水南流卽邛

都又東北至朱提縣爲盧江水是蜀有此二水也

昌意娶蜀山氏女

曰昌僕生高陽高陽有聖德焉

正義曰華陽國志及十三

州志云蜀之先肇於人皇之際黃帝之子昌意娶蜀山氏後子孫因封焉帝顓頊高陽氏黃帝之孫昌意之子母曰昌僕亦謂之女樞河圖云瑤光如琬貫月正白感女樞於幽房之宮生顓頊首戴大也

黃帝崩

皇甫謐曰在位百年而崩年百一十

歲索隱曰按大戴禮宰我問孔子曰榮伊言費帝三百歲請問黃帝何人也抑非人也何以至三百年乎對曰生而人得其利百年死而人畏其神百年亡而人用其教百年則土安之說略可憑矣○正義曰列仙傳云黃帝自擇亡日與羣臣辭還葬橋山山崩棺空唯有一劍皇覽曰黃帝冢在上郡橋烏在棺焉葬橋山○索隱曰地理志橋山在上郡同陽縣山有黃帝冢也○正義曰括地志云黃帝陵在寧州羅川縣東八十里子午山地理志云上郡陽周縣橋山南有黃帝冢按陽周隋改爲罷川爾雅云山麓而高曰橋其孫昌意之子高陽立是爲帝顓頊也

帝顓頊高陽者

皇甫謐曰都帝丘今東郡濮陽是○索隱曰宋衷云顓頊

名高陽有天下號也。張晏黃帝之孫而昌昌意之子也。靜淵以右謀疏通而知事養材以任

地。索隱曰。言能養材物以載時。以象天。索隱

地任地。大戴禮作養財。行也。言行四時以象天。大戴禮

作履時以象天履亦踐而行也。依鬼神以制義。索隱曰。鬼神聰明正直。當盡心敬事。因制

之神也。能興雲致雨。潤養萬物也。故已依馮

之制。古制字。治氣以教化。索隱曰。謂理四時五

剷。古制字。治氣以教化。索隱曰。謂理四時五

也。絜誠以祭祀。北至于幽陵。正義曰。南至于

廣宗祀下有四

唐宋民之子

交趾。正義曰。趾音西。至于流沙。地理志曰。流

延縣。○正義曰。濟渡也。括地志云。居延海南。甘州。張掖縣。東北千六十里是東至

干蟠木。海外經曰。東海中有山焉。名曰度索。

名曰鬼門。萬鬼所聚也。天帝使神人守之。名鬱壘。主閼領萬鬼。若害人之鬼。以葦索縛

之。射以桃弧。投虎食也。王肅曰。桃弧謂鳥獸

類小大之神。正義曰。大謂五嶽。四

莫不砥礪。王肅曰。砥平也。四遠皆平而來服

戴禮作礪也。帝顙頷生子曰窮蟬。索隱曰。系本作

礪。穀梁傳曰。平也。四遠皆平而來服

出房之宮生穎叔於五位七年而崩

三皇疋月加好盛極



日月而迎送之。正義曰：言作歷，弦望晦朔日

迎日推

明鬼神而敬事之。正義曰：天神曰神，又云聖

策是也。

日月

而迎送之

月未至而迎之，過而送之上。

人之精氣謂之神，賢人之精氣謂之鬼。

而敬事也。

其色郁郁其

謂之鬼。言明識鬼神而敬事也。

其

德巍巍索隱曰：郁郁獨穆穆也。

巍巍德高其

巍巍也。

今按大戴禮都作神巍作侯。

動也時其服也士

索隱曰：舉動應天時衣服

服士服言其公且廉也。

索隱曰：古既字作永

旁編字一作尹。

○索

帝譽溉執中而徧天下。徐廣曰：古既字作永

既蓋言帝譽治民若水之溉灌平等而執中

隱曰：即尚書允執厥中是也。

○正義曰：溉音

既蓋言帝譽治民若水之溉灌平等而執中

既蓋言帝譽治民若水之溉灌平等而執中

正遍於天下也。日月所照風雨所至莫不從服。正義曰：以

武王

既蓋言帝譽治民若水之溉灌平等而執中

既蓋言帝譽治民若水之溉灌平等而執中

既蓋言帝譽治民若水之溉灌平等而執中

既蓋言帝譽治民若水之溉灌平等而執中

上大戴禮文也。帝譽娶陳鋒氏女。正義曰：鋒音峯。

作豐。

帝王紀云：帝

譽有四妃，卜其子皆有天下。元妃有台氏，女

曰姜嫄，生后稷；次妃有娀氏，女曰簡狄，生高

辛。

次妃娶訾氏，女曰常義，生帝摯也。

次妃娶訾氏，女曰常義，生帝摯也。

正義曰：故音方往反，勲亦作勛。音許云：反言堯能

放。○代之功，故曰放勛。謚堯姓伊祁氏，帝紀

云：帝堯陶唐氏，祁姓也。

正義曰：故音方往反，勲亦作勛。音許云：反言堯能

放。○代之功，故曰放勛。謚堯姓伊祁氏，帝紀

云：帝堯陶唐氏，祁姓也。

母慶都，十四月生堯。娶娵訾氏女，生摯。索

云：帝堯陶唐氏，祁姓也。

正義曰：故音方往反，訾音移反。帝摯崩。皇甫謐

曰：在位

七十年，年百五歲。皇覽曰：帝摯冢

在東郡濮陽頓丘城南臺陰野中。

而摯代立。

帝摯立不善崩。索隱曰：古本作不著。音張慮反。俗本作不善。不善謂微弱。

正義曰：按皇甫謐云：女名常宜。正義曰：堯能

放。○代之功，故曰放勛。謚堯姓伊祁氏，帝紀

云：帝堯陶唐氏，祁姓也。

正義曰：故音方往反，訾音移反。帝摯崩。皇甫謐

曰：在位

七十年，年百五歲。皇覽曰：帝摯冢

在東郡濮陽頓丘城南臺陰野中。

而摯代立。

是

不著猶不著明衛宏云摯立九年而唐侯德於四人中班最在下而摯於兄弟最長得登帝位封異母弟放勳爲唐侯在位九年而唐侯德盛諸侯歸之摯服其義乃率群臣造唐而致禪唐侯自知有天命乃受帝禪乃封摯於高辛今定而弟放勳立是爲帝堯州唐縣也

帝堯者

堯

謚法曰翼善傳聖曰堯

○索隱曰堯

皇甫謐云堯初生時其母在三阿之南寄於伊長孺之家故從母所居爲姓也

○正義曰

徐廣云號陶唐帝王紀云堯都平陽於詩爲唐國徐才宗國都城記云唐國帝堯之裔子所封其北帝夏禹都漢曰太原郡在古冀州太行恒山之西其南有晉水括地志云今晉

州所理平陽故城是也放勳徐廣曰號陶唐平陽河水一名晉水也放勳皇甫謐云堯以甲申歲生甲辰即帝位甲午徵舜甲寅舜代行天子事卒己崩年百十八在位九十八年其仁如天之涵養也也就之如日索隱曰如日之照臨人咸依望也就之若葵藿傾心以向日也望

之如雲

索隱曰如雲之覆渥言德化廣大而浸潤生人人咸仰望

之仰膏富而不驕貴而不舒索隱曰寄猶慢雨也

索隱曰寄猶慢

豫黃收純衣

徐廣曰

純一作絞駟按太古冠冕圖云夏名冕曰收禮記曰野

夫黃冠鄭玄曰純衣士之祭服

○索隱曰收美主禮龍變軒舞

之韻誠長丹車鳥

名其色黃故曰黃收象古質素也純讀曰

戴禮冕而不緋

音節影祖而往四時

美主禮龍變軒舞

之韻誠長丹車鳥

名其色黃故曰黃收象古質素也純讀曰

戴禮冕而不緋

緇形車乘白馬能明駕德

徐廣曰駕古訓字

徒紅及丹飾也

宇徐廣皆讀曰訓訓順也言聖德能順人也

索隱曰史記駕

能明用俊德之士

案尚書作俊德孔安國云能明用俊德之士

云能明用俊德之士

與此文意別也以親九族九族既睦便章百姓

徐廣曰下

云便程東作然則訓平爲便也尚書並作平

云便程東作然則訓平爲便也尚書並作平字孔安國曰百姓百官鄭玄曰百姓羣臣之

父子兄弟○索隱曰古文尚書作平此文蓋

讀平爲蒲耕反平既訓便因作便章其今文

作辯章古平字亦作便音婢緣反便

則訓辯遂爲辯章鄭誕生本亦同也

百姓昭

明合和萬國乃命羲和

孔安國曰重黎之後羲氏和氏世掌天地

之官○正義曰呂刑傳云重即羲黎即和雖

別爲氏族而出自重黎也按聖人不獨治必

使百姓昭

百姓昭

若周禮天官卿地官卿也敬順昊天

正義曰敬猶恭

勤也元氣昊然廣大故云昊天釋天云春爲

蒼天夏爲昊天秋爲旻天冬爲上天而獨言

昊天者以堯能敬天數法日月星辰

正義曰曆數之

法日之甲乙月之大小昏明遞中之星日

月所會之辰定其天數以爲一歲之曆

授民時索隱日尚書作曆象二字謂命羲和以曆數

之法觀察日月星辰之早晚以敬授人時也

○正義曰尚書考靈耀云主春者張昏中可

之法觀察日月星辰之早晩以敬授人時也

二物故主春者張昏中可

以種稷主夏者次昏中可以種禾菽主秋者

也天子視四星之中知民

分命羲仲居郁夷

此如改

曰暘谷

尚書作嶧夷孔安國曰東表之域稱音陽

嶧夷日出於暘谷羲仲治東方之官

○索隱曰史記舊本作湯谷今並依尚書字按淮南子曰日出湯谷浴於咸池則湯谷亦

有池證明矣又下日昧谷徐廣云一作柳柳亦日入處地名太史公博採經記而爲此史

廣記異聞不必皆依尚書蓋郁夷亦地之別名也○正義曰郁音隅陽或作暘禹貢青州

云隅夷既略接隅夷書州也堯命羲仲理東方青州隅夷之地日所出處名曰陽明之谷

羲仲主東方之敬道日出便程東作孔安國官若周禮春官敬道日出便程東作

孔安國傳曰辨秩東作則是訓秩爲程上言便課其依

傳曰劉伯莊傳皆依古史作平秩音然尚書大出日平均次序東作之事以務農也○索隱

曰劉伯莊傳皆依古史作平秩音然尚書大

出日平均次序東作之事以務農也○索隱

程日中星鳥以殷中春孔安國曰日中謂春

鳥七宿也殷正也春分之昏鳥星畢見以正仲春之氣節轉以推孟季則可知也○正義

曰下中音仲夏秋冬並同其民析鳥獸字微孔安國曰春

就功言其民者壯分析也乳化曰字申命羲

尚書微作尾字說文云尾交接也居

幽都三方皆言地而夏獨不言地乃云與春

交斯不例之甚也然南方地有名交趾者或古文略舉一字名也南交則是交趾不疑也

尚書作嶧夷孔安國曰東表之域稱音陽

嶧夷日出於暘谷羲仲治東方之官

有池證明矣又下日昧谷徐廣云一作柳柳

亦日入處地名太史公博採經記而爲此史

廣記異聞不必皆依尚書蓋郁夷亦地之別

名也○正義曰郁音隅陽或作暘禹貢青州

云隅夷既略接隅夷書州也堯命羲仲理東

方青州隅夷之地日所出處名曰陽明之谷

羲仲主東方之敬道日出便程東作孔安國

官若周禮春官敬道日出便程東作

孔安國傳曰辨秩東作則是訓秩爲程上言便課其依

傳曰劉伯莊傳皆依古史作平秩音然尚書大

出日平均次序東作之事以務農也○索隱

曰劉伯莊傳皆依古史作平秩音然尚書大

出日平均次序東作之事以務農也○索隱

程日中星鳥以殷中春孔安國曰日中謂春

鳥七宿也殷正也春分之昏鳥星畢見以正

仲春之氣節轉以推孟季則可知也○正義

曰下中音仲夏秋冬並同其民分析也乳化曰字申命羲

尚書微作尾字說文云尾交接也居

幽都三方皆言地而夏獨不言地乃云與春

交斯不例之甚也然南方地有名交趾者或

古文略舉一字名也南交則是交趾不疑也

尚書作嶧夷孔安國曰東表之域稱音陽

嶧夷日出於暘谷羲仲治東方之官

有池證明矣又下日昧谷徐廣云一作柳柳

亦日入處地名太史公博採經記而爲此史

廣記異聞不必皆依尚書蓋郁夷亦地之別

名也○正義曰郁音隅陽或作暘禹貢青州

云隅夷既略接隅夷書州也堯命羲仲理東

方青州隅夷之地日所出處名曰陽明之谷

羲仲主東方之敬道日出便程東作孔安國

官若周禮春官敬道日出便程東作

孔安國傳曰辨秩東作則是訓秩爲程上言便課其依

傳曰劉伯莊傳皆依古史作平秩音然尚書大

出日平均次序東作之事以務農也○索隱

曰劉伯莊傳皆依古史作平秩音然尚書大

出日平均次序東作之事以務農也○索隱

程日中星鳥以殷中春孔安國曰日中謂春

鳥七宿也殷正也春分之昏鳥星畢見以正

仲春之氣節轉以推孟季則可知也○正義

曰下中音仲夏秋冬並同其民分析也乳化曰字申命羲

尚書微作尾字說文云尾交接也居

幽都三方皆言地而夏獨不言地乃云與春

交斯不例之甚也然南方地有名交趾者或

古文略舉一字名也南交則是交趾不疑也

尚書作嶧夷孔安國曰東表之域稱音陽

嶧夷日出於暘谷羲仲治東方之官

有池證明矣又下日昧谷徐廣云一作柳柳

亦日入處地名太史公博採經記而爲此史

廣記異聞不必皆依尚書蓋郁夷亦地之別

名也○正義曰郁音隅陽或作暘禹貢青州

云隅夷既略接隅夷書州也堯命羲仲理東

方青州隅夷之地日所出處名曰陽明之谷

羲仲主東方之敬道日出便程東作孔安國

官若周禮春官敬道日出便程東作

孔安國傳曰辨秩東作則是訓秩爲程上言便課其依

傳曰劉伯莊傳皆依古史作平秩音然尚書大

出日平均次序東作之事以務農也○索隱

曰劉伯莊傳皆依古史作平秩音然尚書大

出日平均次序東作之事以務農也○索隱

程日中星鳥以殷中春孔安國曰日中謂春

鳥七宿也殷正也春分之昏鳥星畢見以正

仲春之氣節轉以推孟季則可知也○正義

曰下中音仲夏秋冬並同其民分析也乳化曰字申命羲

尚書微作尾字說文云尾交接也居

幽都三方皆言地而夏獨不言地乃云與春

交斯不例之甚也然南方地有名交趾者或

古文略舉一字名也南交則是交趾不疑也

尚書作嶧夷孔安國曰東表之域稱音陽

嶧夷日出於暘谷羲仲治東方之官

有池證明矣又下日昧谷徐廣云一作柳柳

亦日入處地名太史公博採經記而爲此史

廣記異聞不必皆依尚書蓋郁夷亦地之別

名也○正義曰郁音隅陽或作暘禹貢青州

云隅夷既略接隅夷書州也堯命羲仲理東

方青州隅夷之地日所出處名曰陽明之谷

羲仲主東方之敬道日出便程東作孔安國

官若周禮春官敬道日出便程東作

孔安國傳曰辨秩東作則是訓秩爲程上言便課其依

傳曰劉伯莊傳皆依古史作平秩音然尚書大

出日平均次序東作之事以務農也○索隱

曰劉伯莊傳皆依古史作平秩音然尚書大

出日平均次序東作之事以務農也○索隱

程日中星鳥以殷中春孔安國曰日中謂春

鳥七宿也殷正也春分之昏鳥星畢見以正

仲春之氣節轉以推孟季則可知也○正義

曰下中音仲夏秋冬並同其民分析也乳化曰字申命羲

尚書微作尾字說文云尾交接也居

幽都三方皆言地而夏獨不言地乃云與春

交斯不例之甚也然南方地有名交趾者或

古文略舉一字名也南交則是交趾不疑也

尚書作嶧夷孔安國曰東表之域稱音陽

嶧夷日出於暘谷羲仲治東方之官

有池證明矣又下日昧谷徐廣云一作柳柳

亦日入處地名太史公博採經記而爲此史

廣記異聞不必皆依尚書蓋郁夷亦地之別

名也○正義曰郁音隅陽或作暘禹貢青州

云隅夷既略接隅夷書州也堯命羲仲理東

方青州隅夷之地日所出處名曰陽明之谷

羲仲主東方之敬道日出便程東作孔安國

官若周禮春官敬道日出便程東作

孔安國傳曰辨秩東作則是訓秩爲程上言便課其依

傳曰劉伯莊傳皆依古史作平秩音然尚書大

出日平均次序東作之事以務農也○索隱

曰劉伯莊傳皆依古史作平秩音然尚書大

出日平均次序東作之事以務農也○索隱

程日中星鳥以殷中春孔安國曰日中謂春

鳥七宿也殷正也春分之昏鳥星畢見以正

仲春之氣節轉以推孟季則可知也○正義

曰下中音仲夏秋冬並同其民分析也乳化曰字申命羲

尚書微作尾字說文云尾交接也居

幽都三方皆言地而夏獨不言地乃云與春

交斯不例之甚也然南方地有名交趾者或

古文略舉一字名也南交則是交趾不疑也

尚書作嶧夷孔安國曰東表之域稱音陽

嶧夷日出於暘谷羲仲治東方之官

有池證明矣又下日昧谷徐廣云一作柳柳

亦日入處地名太史公博採經記而爲此史

廣記異聞不必皆依尚書蓋郁夷亦地之別

名也○正義曰郁音隅陽或作暘禹貢青州

云隅夷既略接隅夷書州也堯命羲仲理東

方青州隅夷之地日所出處名曰陽明之谷

羲仲主東方之敬道日出便程東作孔安國

官若周禮春官敬道日出便程東作

孔安國傳曰辨秩東作則是訓秩爲程上言便課其依

傳曰劉伯莊傳皆依古史作平秩音然尚書大

出日平均次序東作之事以務農也○索隱

曰劉伯莊傳皆依古史作平秩音然尚書大

出日平均次序東作之事以務農也○索隱

程日中星鳥以殷中春孔安國曰日中謂春

鳥七宿也殷正也春分之昏鳥星畢見以正

仲春之氣節轉以推孟季則可知也○正義

曰下中音仲夏秋冬並同其民分析也乳化曰字申命羲

尚書微作尾字說文云尾交接也居

幽都三方皆言地而夏獨不言地乃云與春

交斯不例之甚也然南方地有名交趾者或

古文略舉一字名也南交則是交趾不疑也

尚書作嶧夷孔安國曰東表之域稱音陽

嶧夷日出於暘谷羲仲治東方之官

有池證明矣又下日昧谷徐廣云一作柳柳

亦日入處地名太史公博採經記而爲此史

廣記異聞不必皆依尚書蓋郁夷亦地之別

名也○正義曰郁音隅陽或作暘禹貢青州

云隅夷既略接隅夷書州也堯命羲仲理東

方青州隅夷之地日所出處名曰陽明之谷

羲仲主東方之敬道日出便程東作孔安國

官若周禮春官敬道日出便程東作



便

並國之陳宣也。蓋言  
於之及馬云。據之。疏。  
是而通所之。陳。

海之內有山名幽都。蓋是也。正義曰。按北方幽列陰聚之地。命和叔居理之。北方之官若周禮。使在伏物。索隱曰。使和叔察北方藏冬官物。伏之物謂人畜積聚等。冬皆藏伏戶子亦日。北方者伏方也。尚書作平。在明易今。按大傳云。便在伏物。太史公據之。而日短星昴以正中冬。孔安國曰。日短冬至。書星亦以七星並見。以正冬節也。馬融王肅謂日短晝漏四十刻。鄭玄曰。四十五刻非其民燠鳥獸。馳毛。徐廣曰。馳音葺馳。按孔安國書。字亦作馳。余曰。民入室處鳥獸皆生馳毳。細毛以自溫也。歲三百六十六日以閏月正四時。索日夫周天三百六十五度四分度之一。是天度數也。而日行遲一歲一周天。月行疾一月。

一周天。日一度。月一日行十三度。十分度之七。至二十九日半彊。月行三度。而又逐及日。而與會。一年十二會。是爲十二月。每月二十九日遇半年分出。小月六。是每歲餘六日。又大歲三百六十六日。小歲三百六十五日。舉全數云。六十日其實一歲唯餘十一日弱。未滿三歲已成。一月則置閏。若二年不置閏。則正月爲二月。九年差三月。則以春爲夏。十七年差六月。則四時不正。歲不信成矣。故傳曰。歸餘於終事。則不悖是也。信飭。古勑字。百官衆功皆興。堯曰。誰可順此事。

正義曰。言將登用之嗣位也。放齊曰。嗣子丹朱開明。孔安用齊臣名。○正義曰。放音方往反。鄭玄云。帝堯寵嗣之子。名曰丹朱。開明也。按開解而達。

胤

也。帝王紀云。堯娶散宜氏女。曰女皇。生丹朱。

汲冢紀年云。后稷。故帝子丹朱。葬注。荊州記。云。丹水縣在丹川。堯子朱之所封也。括地志。

云。丹朱故城在鄧州內鄒縣西南百三十里。

丹朱故堯曰吁頑凶不用。孔安國曰。吁。疑怪爲縣。

傳云。口不道忠信之言。爲嚚心。不則德義之經。爲頑凶訟也。言丹朱心既頑嚚。又好爭訟。

不可。堯又曰。誰可者。謹兜曰。共工旁聚布功用之。堯又曰。誰可者。謹兜曰。共工旁聚布功

可用。孔安國曰。謹。兜臣名。鄭玄曰。共工水官名。○正義曰。兜音斗侯反。堯曰。

共工善言其用辟似恭浸天不可。正義曰。漫

共工善為言語。用意邪僻也。似堯又曰。嗟四於恭敬。罪惡漫天。不可用也。

嶽。鄭玄曰。四嶽。四時官主方嶽之事。○正義曰。嗟嘆鴻水問。四嶽誰能理也。孔安國曰。

四岳即上羲和四子也。分掌四岳之諸侯故稱焉。

浩懷山襄陵。孔安國曰。懷包。襄上也。○正義曰。湯音商。今讀如字。蕩蕩廣平。

之貌。言水奔突。有所滌除。地上之物。爲水漂流。蕩蕩然。按懷藏包裹之義。故懷爲包。釋言

以襄爲駕。駕乘牛馬。皆在上也。言下民其憂

有能使治者。皆曰鯀可。馬融曰。鯀。臣名禹父。堯曰。鯀負

命毀族不可。正義曰。負音佩。依字通。負違也。族類也。鯀性狼戾。違負教命。毀

敗善類不可用也。嶽曰。异哉試不可用而已。詩云。貧人敗類也。○正義曰。負音佩。依字通。負違也。族類也。鯀性狼戾。違負教命。毀



其德於二女

正義曰、倪其爲德行於二女以理家而觀國也

舜飭下

二女於媯汭

孔安國曰、舜所居、媯水之汭

皇吹曰、女英系本作女瑩、大戴禮作女匱、皇甫謐云、媯水在河東虞縣歷山西、汭水匯也

猶洛汭渭汭然也○正義曰、飭音勑、下音胡亞反、汭音芮、舜能整齊二女以義理下二女

之心於媯汭使行婦道於虞氏也、括地志云媯源汭水出蒲州河東南山許慎云、水注日汭按地記云、河東郡青山東山中有二泉下南流者、媯水北流者、汭水二水異泉合流出谷西注河、媯水北日汭也、又云、河東縣二里故蒲坂城、舜所都也、城中舜廟城外有舜穴、入二妃壇、如婦禮堯善之乃使舜慎和五典

鄭玄

日、五典五教也、蓋試以司徒之職、五典能從、乃徧入百官、百

官時序賓於四門、四門穆穆諸侯遠方賓客

皆敬

馬融曰、四門四方之門、諸侯羣臣朝者、舜賓迎之、皆有美德也、堯使舜

八山林川澤暴風雷雨舜行不迷

索隱曰、尚書云、納于

大麓穀梁傳云、林屬於山、日、麓是山足、日、麓故此以爲入山林、不迷、孔氏以麓訓錄言令舜大錄萬機之政與此不同、堯以爲聖、名舜曰、女謀事至

而言可績三年矣

鄭玄曰、三年者、實四門之後三年也、女登帝

位、舜讓於德、不懼

徐廣曰、音亦今文尚書作不怡、怡懼也、○索隱曰、古

神斗與文祖計

司馬正

文作不嗣。今文作不怡。恰即懼也。謂辭讀於德不堪所以心意不悅懼也。俗本作澤誤矣。亦當爲懼。正月上日。馬融曰上日朔日也○正義正建朔舜正建子。此時末舜受終於文祖。文祖者堯大祖也。鄭玄曰文祖者五府之大名。猶周之明堂○索隱曰尚書帝命驗曰五府五帝之廟蒼曰靈府赤曰文祖黃曰神斗白曰顯紀黑曰玄矩唐虞謂之五府夏謂世室殷謂重屋周謂明堂皆祀五帝之所也○正義曰舜受堯終帝之事於文祖也尚書帝命驗云帝者兼天立府以尊大重象也五府者黃曰神斗注云唐虞謂之天府夏謂之正室殷謂之重屋周謂之明堂皆祀五帝之所也文祖者赤帝漂怒之府名曰

文祖火精光明文章之祖故謂之文祖周曰明堂神斗者黃帝含樞紐之府名曰神斗斗主也土精澄肅四行之主故謂之神斗周曰太室顯紀者白帝招拒之府名顯紀紀法也金精斷割萬物故謂之顯紀周曰總章玄矩者黑帝光紀之府名曰玄矩矩法也水精玄昧能權輕重故謂之玄矩周曰玄堂靈府者蒼帝靈威仰之府名曰靈府周曰青陽於

是帝堯老命舜攝行天子之政以觀天命舜乃在璿璣玉衡以齊七政

鄭玄曰璿璣玉衡

月五星也○正義曰說文云璿赤玉也按舜雖受堯命猶不自安更以璿璣玉衡以正天文璣爲運轉衡圓橫籥連機使動於下以衡望之是王者正天文器也觀其齊與不齊今

七政齊則已受禪爲是蔡邕云玉衡長八尺孔徑一寸下端望之以視星宿並縣璣以象天而以衡望之轉璣窺衡以知星宿璣徑八尺圓周二尺五寸而強也鄭玄云運轉者爲春秋冬夏天文地理人道所以爲政也道正而萬事順成故遂類於上帝鄭玄曰禮祭上天道政之大也○正義曰五經異義云非時祭天謂之類言以事類告也時舜告攝非常祭也王制云天子將出類于上帝鄭玄云昊天上帝禋于六宗鄭玄帝謂天皇太帝北辰之星禋于六宗鄭玄曰六宗星辰司中司命風師雨師也○正義曰周語云精意衆矣愚謂鄭說爲長○正義曰周語云精意以夏禹曰禋也孫炎云禋潔敬之祭也按星五星緯也辰日月所會二十次也司中司命文

上傳之序

三

昌第五第四星也風師箕星也雨師畢星也孔安國云四時寒暑也日月星也水旱也禮祭法云理少牢於大昭祭時也禳祈於坎壇祭寒暑也王宮祭日也夜明祭月也幽禁祭星雩祭水旱也司馬彪續漢書云安帝立六宗祀於洛陽城西北亥地禮比大社魏因之至晉初荀顗言新祀以六宗望正義曰望者遙望而祭山川也山川五辭於群神徐廣曰辯音班按鄭玄曰羣神若丘陵墳衍○正義曰辯音遍謂祭羣神也捐五瑞也五瑞公侯

伯子男所執以爲瑞信也堯將禪舜使群牧歛之使舜親往班之○正義曰辯音集周禮

典瑞云王執鎮圭尺二寸公執相圭九寸侯執信圭七寸伯執躬圭五寸子執穀璧男執蒲璧皆五寸言五瑞皆王不在中也孔文祥云宋未會稽俗禹廟於廟庭山土中得五等圭璧百餘枚形與周禮同皆短小此即禹會諸侯於會稽魏以禮山神而埋之其璧今猶有歲二月東巡狩至於岱宗柴馬融曰舜受二月鄭玄曰建卯之月也柴祭東岳者考績柴燎也○正義曰按既班瑞群后即東巡者守土之諸侯會岱宗之獻楚柴告至也王者巡狩以諸侯自專一國威福任已恐其擁遏上命澤不下流故巡行問人疾苦也風俗通云太山之草者一日岱宗始也長也萬物之始陰陽交代故爲五岳之長也按辛二月仲月也仲月中也言得其中也望秩於山

川正義曰乃以秩望祭東方諸侯境內之名山大川也按言秩者五歲視三公四讀視諸侯遂見東方君長合時月正日鄭玄曰協正又日名備有失誤○正義曰既見東方君長乃合同四時氣節月之大小日之甲乙使齊一也周禮太史掌正歲年以序事頒正朔於邦國則節氣晦朔皆天子頒之猶恐諸侯國異或不齊同因巡狩合正之同律度量衡鄭玄曰同陰律衡斤兩也○正義曰律之十二度之丈尺量之斗斛衡之斤兩皆使天下相同無制度長短輕重異也漢律志云虞書云同律度量衡所以齊遠近立民信也律有十二陽六爲律陰六爲呂律以統氣類物一日黃鐘二日大蔟三日姑洗四日蕤賓五日夷則六日無

射呂以旅陽宣氣一曰林鐘二曰南呂三曰應鐘四曰大呂五曰夾鍾六曰中呂度者分寸尺丈引也所以度長短也本起黃鐘之管長以子穀秬黍中者一龠爲一分十分爲一寸十寸爲尺十尺爲丈十丈爲引而五度審矣量者龠合升斗斛也所以量多少也本起黃鐘之龠以子穀秬黍中者千有二百實爲一龠十龠爲合十合爲升十升爲斗十斗爲斛而五量嘉矣衡權者銖兩介鈞石也所以秤物輕重也本起於黃鐘之一龠容千二百黍重十二銖一十四銖爲兩十六兩爲斤三十斤爲鈞四鈞爲石而五權謹矣衡平也權也脩五禮馬融曰吉凶賓軍嘉也○正義曰周禮以吉禮事邦國之鬼神祇以凶禮哀邦國之憂以賓禮親邦國以軍禮同邦國以嘉禮親萬民也尚書堯典云類于上帝吉禮也如喪考妣凶禮也羣后四朝賓禮也大禹謨云汝徂征軍禮也堯典云女于時嘉禮也女昔女慮反五玉之曰瑞陳列曰玉三帛馬鄭玄曰即五瑞也執三帛馬融曰三孤所執也鄭玄曰帛所以薦玉也必三者高陽氏後用赤繒高辛氏後用黑繒其餘諸侯皆用白繒○正義曰孔安國云諸侯世子執纁公之玼魏玄附庸之君執黃也按三統紀推伏羲爲天統色尚赤神農爲地統色尚黑黃帝爲人統色尚白少昊黃帝子亦尚白故高陽氏又天統亦二生正義曰羔鴈也尚赤堯爲人統故用白鄭玄注周禮大宗伯云羔小羊也取其羣不失其類也鴈取其候時而行也卿執羔大夫執鴈按羔鴈性馴可生一死正義曰雉也馬融云一死雉士爲贊

取其守介死為摯

正義曰摯音至費執也鄭玄云費之言至所

不失節也

執也韋昭云費六費皮帛猶執羔大夫

執鴈士執雉庶人

執鹿工商執雞也如五器卒乃復器上五玉

正義曰禮終則還之三帛已下不還也

五月南

巡狩八月西巡狩十一月北巡狩皆如初歸

至于祖禰廟

正義曰禰音乃禮反何休云用

於方嶽之下其間四年四徧告以言

正義曰巡狩之年諸侯見於方諸侯分來朝於京師也

特牛禮五歲一巡狩

群后四朝鄭玄曰巡狩之年諸侯見

于方嶽之下其間四年四徧告以言

正義曰徧音遍

言遍告天子明試以功車服以庸

正義曰孔安國云功成則錫車服以顯其能用也肇有十二州

決川

馬融曰禹平水土置九州舜以冀州之北廣大分置并州燕齊遼

遠分燕置幽州分齊爲營州於是爲十二州

也鄭玄曰更爲之象以典刑

馬融曰言外諭制五常之刑無定界瀟水害也

犯之者但有其象無其人也

○正義曰孔安國云象法也法用常刑用不越法也

宥五刑

馬融曰流放宥寬也一日幼少二日老耄三日憲愚五刑墨劓剕宮大辟

○正義曰孔安國云以流放之法寬五刑也鄭玄云三宥一曰弗識二曰適失三日遺忘

也鞭作官刑

馬融曰爲辨治官事者爲刑

才作教刑

鄭玄曰才作教刑

書作肆肆傳云書贖

書作肆肆傳云書贖

檟楚也、扑爲教官、爲刑者、金作贖刑。馬融曰、金、黃金也、意坐不戒、慎者、告戒過赦。

鄭玄曰、告戒、爲人作患害者也、過失雖有害、則赦之。

恤終賊刑。

徐廣曰、終一作衆、鄭玄曰、恤其欵。

三義

徐廣曰、終一作衆、鄭玄曰、恤其欵。

徐廣曰、今文云、惟刑之

哉欵哉惟刑之靜哉。

徐廣曰、謐哉、爾雅曰、謐、靜也。

三義

徐廣曰、謐哉、爾雅曰、謐、靜也。

索隱曰、按古文作恤哉、且今文是

伏生口誦、鄭謐聲近、遂作謐也。

謐兜進言

共工。正義曰、謹兜淳沌也、共工、窮奇也、鯀擣

正義曰、謹兜淳沌也、共工、窮奇也、鯀擣

凶投諸四裔以禦魑魅也。

堯曰、不可而試之工師。

正義曰、辟工師若

今大匠

共工果淫辟。

正義曰、辟工師若

正義曰、辟工師若

庭而右彭蠡。

按洞庭湖名在岳州巴陵西南一里、南與青草湖連、彭蠡湖名在江州潯陽

縣東南五十里、以天子在北故洞庭在西

爲左、彭蠡在東爲右、今江州鄴州岳州三苗

之地。

在江淮荊州。

正義曰、淮讀曰匯、音胡罪

也、尚書云、南入于江東。

匯澤爲彭蠡是也

數為亂、於是舜歸而言

於帝、請流共工于幽陵。

馬融曰、北裔也

○正

尚書云、南入于江東、匯澤爲彭蠡是也、數為亂、於是舜歸而言於帝、請流共工于幽陵、馬融曰、北裔也、○正

皆作幽州括地志云故龍城在檀州燕樂縣界故左傳云舜流共工于幽州居此城神異經云西北荒有人焉人面朱鬚蛇身人手足而食五穀禽獸頑愚名曰共工以變北狄徐廣曰變一作變索隱曰變謂變其形及衣服同於夷狄也徐廣云作變變和也○正義曰言四凶流四裔各於四方夷放共工等爲中國之風俗也放驩兜於方荒中有人焉人面鳥喙而有翼兩手足扶翼而行食海中魚爲人狼惡不以變南畏風雨獸犯死乃作名曰讙兜也崇山馬融曰南裔也○正義曰神異經云南方荒中有人焉人面鳥喙而有翼兩手足扶翼而行食海中魚爲人狼惡不以變南畏風雨獸犯死乃作名曰讙兜也崇山馬融曰西裔也○正義曰三危俗亦名卑羽山在沙州燉煌縣東南三十里神異經云西荒中有人焉面目手足

皆人形而胎下有翼不能飛爲人饗餐渥浴過無理名曰苗民又山海經云大荒北經黑水之北有<sub>二</sub>人有翼以變西戎殛<sub>一</sub>鯀於羽山<sub>一</sub>馬融誅也羽山東裔也○正義曰殛音紀力反孔安國云殛竄放流皆誅也括地志云羽山在沂州臨沂縣界神異經云東方有人焉人形而身多毛自解水土知通塞爲人自用欲爲欲息皆曰以變東夷四舉而天子咸服堯立云是鯀也七十得舜二十年而老令舜攝行天子之政薦之於天堯辟位凡二十八年而崩<sub>一</sub>徐廣在位凡九十八年<sub>一</sub>按皇覽曰堯冢在齊陰城陽劉向曰堯葬濟陰丘龍山呂氏春秋曰

授

葬穀林皇甫謐曰穀林即城陽堯都平陽於詩爲唐國○正義曰皇甫謐云堯即位九十八年通舜攝二十八年也凡百一十七歲孔安國云堯壽百一十六歲括地志云堯陵在濮州雷澤縣西三里郭生述征記云城陽縣東有堯冢亦曰堯陵有碑是也括地志云雷澤縣本漢鄒陽縣也百姓悲哀如喪父母三年四方莫舉樂正義曰尚書云三以思堯堯如子丹載四海遏密八音以思堯堯如子丹朱之不肖索隱曰肖似也不似言不如人也鄭玄曰肖似也不似言不朱曰女皇生丹朱又有如子丹庶子九人皆不肖也如子丹不足緩天下於是乃

權授舜

索隱曰父子繼立常道也求賢而禪權道也權者反常而合道○正義曰

五帝官天下者則授舜則天下得其利而丹禪賢故權試舜也授舜則天下得其利而丹朱病授丹朱則天下病而丹朱得其利堯曰終不以天下之病而利一人而卒授舜以天下堯崩三年之喪畢舜讓辟丹朱於南河之南劉熙曰南河九河之最在南者○正義曰括地志云故堯城在濮州鄆城縣東北十五里竹書云昔堯德衰爲舜所囚也又有偃朱故城在縣西北十五里竹書云舜囚堯復偃塞丹朱使不與父相見也按濮州北臨濮大川也河在堯都之南故曰南河禹貢至于南河是也其偃朱城所居即舜諸侯朝覲者讓避丹朱於河南之南處也

授

知

不之丹朱而之舜獄訟者不之丹朱而之舜

謳歌者不謳歌丹朱而謳歌舞舜大舜曰天也夫

劉熙曰：天子之位，而後之中國，踐天子位焉，不可曠年。於是遂

周制于京師而當帝位帝  
王所都爲中故曰中國是為帝  
都五方之王也

**虞舜者** 謚法曰仁聖盛明曰舜。○索隱曰虞國名，在河東太陽縣。舜謚也。皇甫謐

云舜字都君也○正義曰搖地志云故虞城  
在陝州河北縣東北五十里虞山之上郡元

水經云幹橋東北有虞城堯以女嬪于虞之地也又宋州虞城大襄國所封之邑杜預云

舜後諸侯也。又越州餘姚縣，舊野王云舜後所封之地。舜姓姚，故云餘姚。縣西七十

里有漢上虞故縣會稽舊記云上虞人去

虞三十里有姚丘即舜所生也周處風土記云舜東夷之人生姚丘括地志又云姚墟在

漢州雷澤縣東十三里孝經援神契云舜生於姚墟按二名曰河上徐廣曰皇甫謐云舜

所未詳也。名曰重華以堯之二十一年甲子生三十一年甲午徵用七十九年壬午即

真百歲癸卯崩。○正義曰、尚書云、重華協于帝孔安國云、華謂文德也、言其光又重合於

堯瞽瞍姓嬪妻曰握登見大虹意感而生舜  
於姚墟故姓姚自重童子故曰重華字重華

都君龍顏大口黑色身長六尺一寸重  
父曰瞽叟正義曰先後反孔安國曰無目日

人謂之瞽配字曰瞽叟父有目不能分別好惡故時與叟無日之糴也又音矯瞽叟父曰橋牛正義曰橋

橋牛父曰句望正義曰句古侯反望音亡句望父曰敬康

義日句古侯反

昌意以至舜七世矣自從窮蟬以至帝舜皆

微為庶人舜父瞽叟盲而舜母死索隱曰皇名之子也瞽叟謂云舜母名握登生舜於姚墟因姓姚氏也

瞽叟愛後妻子常欲殺舜舜避逃及有小過則受罪順事父及後母與弟目以篤謹匪有懈舜異州之人也冀州宋永初山川記云蒲正義曰蒲州河東縣本屬

坂城中有舜廟城外有舜宅及二妃壇括地志云媯州有媯水源出城中舊傳云即舜盤降二女於媯汭之所外城中有舜井城城北有歷山山上有舜廟未詳按媯州亦冀州是城也

舜耕歷山

鄭玄曰在河東○正義曰括地志云蒲州河東縣雷首山

一名中條山亦名歷山亦名首陽山亦名蒲山亦名襄山亦名甘囊山亦名猪山亦名狗頭山亦名薄山亦名吳山此山西建雷首山東至吳坂凡十二名隨州縣分之歷山南有舜井又云越列縣姚縣有歷山舜井濮州雷澤縣有歷山舜井二所又有姚墟云生舜處也及媯州歷山舜井皆云舜所耕處未詳也

漁雷澤鄭玄曰雷夏兗州澤今屬濟陰○正義曰括地志云雷夏澤在濮州雷澤縣郭外西北山海經云雷澤有雷神龍首

弟象傲皆欲殺舜舜順適不失子道兄弟孝慈欲殺不可得即求嘗在側舜年二十以孝聞三十而帝堯問可用者正義曰可用謂四可爲天子也四嶽咸薦虞舜曰可於是堯乃以二女妻舜以觀其內使九男與處以觀其外舜居媯汭內行彌謹堯二女不敢以貴驕事舜親戚正義日二女不敢以帝女驕慢舜之親戚親戚謂父瞽叟後母弟象妹顙手等也顙音古果反甚有婦道堯九男皆益篤正義曰篤博也非唯二女恭勤婦道尤男

人類鼓其腹則雷也。陶河濱。皇甫謐曰。濟陰定陶西南於曹州。濱河作瓦器也。括地志云。陶城在蒲州河東縣北三十里。即舜所都也。南去歷山不遠。或陶所在。則可。何必定陶方得爲舜陶之陶也。斯或一焉。作什器於壽丘。皇甫謐曰。在魯東門之北。○索隱曰。什器數也。蓋人家常用之器。非一。故以十為數。猶今云什物也。壽丘地名。黃帝生處。○正義曰。壽音受。頽師古云。軍法伍人爲伍。二伍爲什。則共器物。故爲生生之具。爲什器亦猶從軍及作役者。十人爲次。共畜調度也。就時於負夏。鄭玄曰。負夏衛地。○索隱曰。就時猶逐時。若言乘時射利也。尚書大傳曰。販於負丘。就時負夏是也。舜父瞽叟頑母嚚。孟子曰。遷於負夏。是也。

事舜皆益惇舜耕歷山歷山之人皆讓半正義

曰韓子曆云農相侵畧舜往耕蒼年耕者讓畔也

漁雷澤、雷澤上

皆讓居陶河濱河

河濱器皆不善窳史記索隱

及馳詣綱病也。正義曰：苦讀如鹽，音古，鹽麴也。癥音庾。

一年而所居成

正義曰聚不聚  
反聚謂村落也

三年成邑三年成都正  
也一為井四井為邑四邑

爲丘、四五爲甸。四

自爲縣，四縣爲都也。夷

豐受紅不御衣也

劉氏當作九反見卷之二

瞽叟從下縱火焚廩舜乃以兩筐自扞而下  
去得不死索隱曰言以筐自扞已身有似鳥  
兩繖繖筐類列女傳云二女教舜鳥工上廩  
是也○正義曰通史云瞽叟使舜滌廩告  
堯二女一女曰時其焚汝鶴汝衣後去也後瞽叟又使  
裳鳥工往舜旣登廩得免去也○劉熙曰舜以權  
舜穿井舜穿井為匿空旁出劉熙曰舜以權  
謀自免亦大聖  
有神人之助也○索隱曰空肯孔列女傳所  
謂龍工入井是也○正義曰言舜潛匿穿孔  
旁從他井而出也通史云舜穿井又告二女  
二女曰去汝裳衣龍工往入井瞽叟與蒙下  
土實井舜從他井出去也括地志云舜井在  
嘉州懷戎縣西城中其西又有一井耆舊傳

云並舜井也。舜自中出。帝王舜既入深瞽叟與象共下土實井。索隱曰。亦舜從匱空出去。鼓叟象喜以舜為已死。象曰。本謀者象。象與其父母分。正義曰。扶問反。於是曰。舜妻堯二女。與琴象取之牛羊倉廩。予父母象乃止舜宮居。正義曰。宮即室也。爾雅云。室謂之宮。禮云。命士已上父子異宮也。鼓其琴。舜往見之。象鄂不懌。曰。我思舜。正憮陶舜。曰然爾其庶矣。索隱曰。言汝猶當庶幾於友悌之情。義也。如孟子取尚書文。又云。惟茲臣仲容。高辛氏有才子八人。名見左傳。世得其利。謂之八愷。賈逵曰。愷和也。仲容。高辛氏有才子八人。名見左傳。世謂之八元。賈逵曰。元善也。○索隱曰。左傳高辛氏有才子八人。伯奮仲堪。叔獻季冲。伯虎仲熊。叔豹季狸。此十六族者。世濟其義。索隱曰。謂元愷各代成前代也。言後代也。不隕其名。至於堯。堯未能舉舜。

## 舉八愷使主后土

王肅曰、君治九土之宜、杜預曰、后土地也○索隱曰

禹爲司空、司空主土、則禹在八愷之中○正義曰、春秋正義云、后君也、天曰皇天、地曰后土、以揆百事、莫不時序

正義曰、言禹度九土之宜、無不以時得其

次序、舉八元使布五教于四方

索隱曰、契爲司徒、司徒數五叢

則契在八元之數

父義母慈兄友弟恭子孝內平外

成、正義曰、杜預云、內諸夏、外夷狄也、按契作五常之教、諸夏太平、夷狄向化也

帝鴻氏有不才子

賈逵曰、帝鴻黃帝也、不才子、其苗裔譙兜也、不掩

義隱賊好行凶慝天下謂之渾沌

正義曰、隱惡也一本

惠子左傳有混沌無物祖萬不力與比唐天下之民

云、天下之民謂之渾沌、渾沌即譙兜也、言掩義事陰為賊害而好凶惡故謂之渾沌也、杜預云、渾沌不開通之鬼、神異經云、岷崐西有獸焉、其狀如犬、長毛、四足似熊而無爪、有目而不見、行不開、有兩耳、而不聞、有人知往、有抵角、有凶惡而行、恣慤之名、渾沌又莊子云、南海之帝為儼、忽、中央之帝為渾沌、儼與忽、相遇於渾沌之地、渾沌待之甚善、儼與忽謀欲報、渾沌之德、日、人皆有七竅、以視聽食息、此獨無有嘗試鑿之、日鑿一竅、七日少皞氏而渾沌死、按言譙兜性似、故號之也、少皞氏

服虔曰、金天氏帝號、有不才子、毀信惡忠、崇飾惡言、天下謂之窮奇

服虔曰、謂共工氏也、其行窮而好奇、○正義曰、謂共工、言毀敗

信行惡其忠直有惡言語高粉飾之故謂之窮奇按常行終必窮極好詔謾奇異於人也神異經云西北有獸其狀似虎有翼能飛便勦食人知人言語聞人鬪輒食直者聞人忠信輒食其鼻聞人惡逆不善輒殺獸往饋之名曰窮奇按言共工性似故號之也頽頽氏有才子不可教訓不知詰言天下謂左所言下百卷之三

項氏有不才子不可教訓不知語言天下謂  
之擣杌賈逵曰擣杌頑凶無疇匹之貌謂鯀  
杜云善也左房公下之氏

方荒中。有獸焉。其狀如虎而大。毛長二尺。人面虎足。猪口牙尾。長一丈八尺。攬亂荒中。名擣杌。一名敖恨。一名難訓。此三族也。憂之至。

子堯堯未能去縉雲氏賈逵曰縉雲氏姜姓  
帝時在縉雲之官也○正義曰今括州  
有不縉雲縣蓋其所封也書云縉亦縉也

也。杜子春曰：孤雲不羈，血鶯無主。

則養傲  
很明德  
以亂天  
莘士子

賈逵曰、四裔之地、以御螭魅。

服虔曰、魑魅人

去王城四千里、而獸身四足好

感入山林、異氣所生、以爲人害。

○正義曰、御

音魚呂反、螭音丑、知反、魅音媚、按御魑魅恐

更有邪謠之人、故流放四凶、於是四門辟言

以禦之也、故下云無凶人也。

母凶人也、舜入于大麓、烈風雷雨不迷、堯乃

扶桑母、凶人也、舜入于大麓、烈風雷雨不迷、堯乃

知舜之足授天下、堯老使舜攝行天子政、巡

狩、舜得舉用事二十年、而堯使攝政攝政八

年、而堯崩、三年喪畢、讓丹朱天下歸舜、而禹

臯陶契后稷伯夷夔龍垂益彭祖。

索隱曰、彭祖即陸終

之氏之第三子、錢鏗之後、後爲大彭、亦稱彭祖。○正義曰、高姚二音、臯陶字庭堅、英六二國是其後也、契音薛、殷之祖也、伯夷齊太公之祖也、夔巨龜反、樂官也、倕音垂、亦作垂、內言之官、益伯翳也、即秦趙之祖彭祖自堯時舉用歷夏殷封於大彭、自堯時而皆舉用未有分職。○正義曰、分音符問、反如於是舜乃至於文祖、謀于四徽辟四門、明通四方耳目、命十二牧論帝德、行厚德、遠佞人。○正義曰、舜命十二牧、論帝堯之德、又敦之於民、遠離邪佞之人、言能如此、則夷狄亦服從也、則蠻夷率服、舜謂四嶽曰、有能奮庸、馬融曰、奮明庸。

功也。義堯之事者使居官相事皆曰伯禹為司

空可義帝功舜曰嗟然禹汝平水土維是勉

哉禹拜稽首讓於稷契與臯陶舜曰然往矣

鄭玄曰然其舉得其人汝往居此官不聽其所讓也舜曰棄黎民始飢

徐廣曰今文尚書作祖飢祖始也○索隱曰古文作阻飢孔氏以爲阻難也祖阻聲相近

未可知汝后稷播時百穀鄭玄曰時讀日蒔○

時謂順四時而播百谷舜曰契百姓不親五品不馴鄭玄

日五品父母兄弟子也王肅曰汝為司徒而

五品五常也○正義曰馴音馴汝為司徒而

亦作汝作士馬融曰獄官之長○正義曰按言大理卿也

五刑有

服正義曰孔安國云服從也言輕重之中正

服也按墨點鑿其額涅以墨劓截鼻也剕刑

足也宮淫刑也男子割勢婦人幽閉也大辟死刑也

五刑有度正義曰度音徒洛反尚書作宅孔

五度三居正義曰按謂度其遠近爲三等之居也維明能信

馬融

疏稷是五穀之長官主此稷事屬色帝吉汝此稷言種是百穀之源教子利功勸知上工讓耕種多移之聲教子利言革名之稷尊而君都當時是也音如禹或作蔣音傳禹名之稷故詩傳禹禹或作蔣音傳禹非官稱

日謂在八議君不忍刑宥之以遠五等之差  
中國之外當明其罪投四裔次九州之外次  
罪能使信服之舜曰誰能馴予工馬融曰  
主百官也皆曰垂可於是以外垂為共工馬融曰為  
百工之事舜曰誰能馴予上下馬融曰上謂草木  
鳥獸皆曰益可於是以外益為朕虞馬融曰虞  
官名益拜稽首讓于諸臣朱虧能罷高辛氏之  
子伯虎仲熊也○正義曰孔安國云朱虎熊  
羣二臣也垂益所讓四人皆在元凱之中也  
舜曰往矣汝諧遂以朱虎熊羣為佐正義曰  
焉為益之

也舜曰嗟四岳有能典朕三禮馬融曰天神  
禮也鄭玄曰天事地事人事之禮也皆曰伯夷可舜曰嗟伯夷  
以汝為秩宗鄭玄曰主次秩尊卑○正義曰  
秩序宗尊也主郊廟之官也孔安國曰  
太常曰秩宗依古也孔安國曰正義曰  
哉維靜潔正義曰靜清也潔明也孔安國曰  
伯夷讓夔龍舜曰然正義曰孔安國云然  
夔為典樂教驛子鄭玄曰國子也按尚書作  
近○正義曰驛胄雉反孔安國云胄長子謂  
元子以下至卿大夫子弟也歌詩蹈之舞之

數長國子中直而溫。馬融曰：正直，寬而栗。正義曰：孔和祇庸孝友，直而溫，而色溫和，寬而栗。馬融曰：正義曰：孔

曰：寬大而謹，敬戰栗也。剛而無虐簡，而無傲。安國云：剛失之虐簡，失之傲。教之以防其失也。

詩言意歌長言，所以長言志以歸其心。歌詠其義，以長其言也。

詩之意也。○正義曰：孔安國云：詩言

律和聲。鄭玄曰：聲之曲折，又依長言，聲中律乃爲和也。○正義曰：孔安國云：聲五音，宮商角徵羽也。律謂六律，六呂。二月之音氣也，當依聲律和樂也。

正義曰：八音，金石絲竹匏土革木也。孔安國云：倫理也。八音能諧，則神人咸和。

諧母相奪倫神人以和。鄭玄曰：祖考來格群后德讓其一隅也。○

命夔使夔曰：於予擊石拊石，百獸率舞。鄭玄

數服不氏所養者也。率舞言音和也。○正義

曰：於音鳥孔安國曰：石磬音之清者，拊亦擊也。舉清者和，則其餘皆從矣。樂感百獸，使相

率而舞，則神人和可知也。按磬一片，黑石也。

不音福尤反。周禮云：夏官有服不氏掌服猛獸。下士一人徒四人。鄭玄云：不服之獸也。

舜曰：龍朕畏忌讒說。參偽振驚朕衆。徐廣曰

說參行振驚衆。按鄭玄曰：所謂色取仁而

行，違是驚動我之衆臣使之疑惑。○正義曰：

偽音危，睡反。言畏惡利口讒說之人，兼參絕姦偽人黨，恐其驚動我衆，使龍過絕之，出入

其命，惟信實也。此爲字，太史公變尚書文也。尚書偽字作行，音下孟反。言畏忌有利口讒

說之人參絕無德行之官也。命汝為納言夙夜出入朕命

惟信。

正義曰孔安國云納言喉舌之官也聽下言納於上受上言宣於下必以信也

舜曰嗟女二十有二人

馬融曰稷契臯陶皆舍官久有成功但述

而美之無所復勑禹及垂以下皆初命凡六人與上十二牧四岳凡二十二人鄭玄曰皆

格于文祖時敬哉惟時相天事也舜命二十所勤命也

正義曰相視時視天所宜而行事也

順三歲一考功三考

紩隙遠近衆功咸興

分北三苗鄭玄曰所竄

諸侯者猶爲惡乃復分析流之

此二十二人咸成厥功臯陶

為大理

平

正義曰臯陶作士

平天下罪惡也

民各伏得其實

伯夷主禮

上下咸讓

垂主工師

正義曰工匠若今大匠鄒

也百工致功益主虞山澤辟

正義曰裨

亦反開也

棄主稷百穀時茂契主司徒百姓親和龍主賓客

遠人至十二牧行

正義曰九澤決九河空九州各以

之民無敢辟違舜十二牧也

唯禹之功為大披九山

正義曰披

音皮義反謂傍通其山邊以通

九澤決九河空九州各以其職來貢不失厥宜方五千里至于荒服南

息音未又

如字

鳥夷見夏本  
鳥夷見夏本

撫交趾北數索隱曰西戎析枝渠瘦氏羌隱

日一北山戎數索隱曰西戎析枝渠瘦氏羌隱

鄭玄曰息慎或謂

東長

鳥夷索隱曰此言帝舜之德皆無反四方夷

人故先以撫字之比發當云北戶南

方有地名北戶又按漢書北發是北方國名今以北發爲南方之國誤也此文省略四夷之名錯亂西戎上少一西字山戎下少一北字長字下少一夷字長夷也鳥夷也其意宜然今按大戴禮亦云長夷則長是夷號又云鮮支渠搜則鮮支當此析枝也鮮析音相近鄒氏云息並音肅非也且夷狄之名古書不必皆同今讀如字也○正義曰注鳥或作島括地志云百濟國西南海中有大島十五所皆置邑有人居屬百濟又倭國西南大海中

島居凡百餘小國在京南萬三千五百里按武后改倭國爲日本國四海之內正義曰爾雅云九夷八狄七戎六蠻謂之四海咸戴帝舜之功於是

禹乃興九招之樂

索隱曰招音韶即舜樂篇韶九成故曰九招致

異物鳳皇來翔天下明德皆自虞帝始舜年

二十以孝聞年三十堯舉之年五十攝行天

子事年五十八堯崩年六十一代堯踐帝位

皇甫謐曰舜所都或言蒲阪或言平陽或言

潘潘今上谷也○正義曰括地志云平陽今

晉州南二里河東縣界蒲坂故城是也蒲坂今蒲

州

下三十在位嗣帝所

十九在葬於蒲坂

</

位三十九年，南巡狩，崩於蒼梧之野，葬於江

南九疑是為零陵。

皇覽曰舜冢在零陵營浦其山九疑皆相似故曰

九疑。傳曰舜葬蒼梧。象爲之耕。禮記曰舜葬

蒼梧二妃不從。山海經曰蒼梧山帝舜葬于

陽丹朱葬於陰。皇甫謐

曰或曰二妃葬衡山舜之踐帝位載天子

旗往朝父瞽叟夔夔唯謹

徐廣曰和敬貌如子道封

弟象為諸侯。

孟子曰

舜之有庳音鼻○正義

括地志云鼻亭神在道縣北六十里故老傳云舜葬九疑象來至此後人立祠名為鼻亭

神興地志云零陵郡應陽縣東有山山有象

廟王隱晉書云此大泉陵縣北都東五里有

鼻墟象所封也舜子商均亦不肖

皇甫謐曰娥皇無子女英生商均○

正義曰譙周云以虞封舜子今宋列虞城縣

括地志云虞國舜後所封邑也或云封舜子

均於商故號商均也

舜乃豫薦禹於天

索隱曰謂告天使之攝位

七年而崩二年喪畢禹亦乃讓舜子

正義曰括地志

云禹居洛陽城者避商均非時久居也

如舜讓堯子諸侯歸之

然後禹踐天子位堯子丹朱舜子商均皆有

疆土

譙周曰以唐封堯之子以虞封舜之子

丹淵爲諸侯商均封於虞在梁國今虞城縣

也正義曰括地志云定州唐縣堯後所封

宋列虞城縣舜後所封也以奉先祀服其服禮樂如之以

客見天子正義曰爲天子之賓客也天子弗臣示不敢專

也自黃帝至舜禹皆同姓而異其國號以章

明德徐廣曰外傳曰黃帝二十五子其得姓

者十四人虞翻云以德爲氏姓文虞說以九有二十五人其二人同姓姬又十一人

爲十一姓酉卯巳膝箴任荀釐姞嬪衣是也

餘十二姓德薄不紀錄辛

帝嚳爲高辛帝堯爲陶唐

章昭曰陶唐皆國名猶湯播殷商矣

於中山唐縣是也帝舜爲有虞

皇甫謐曰舜嬪于虞

張晏曰堯爲唐侯國

帝舜爲有虞

皇甫謐曰舜嬪于虞

因以爲氏今河東太陽西山上虞城是也帝禹爲夏后而別氏姓姒氏契爲商姓子氏索隱曰禮緝曰禹母脩

姒氏而契姓子氏者亦以其母吞貞子而生棄爲周姓姬氏鄭玄

模五經異義曰春秋左傳無駁卒羽父請謚與族公問族於衆仲衆仲對曰天子建德因

生以賜姓胙之土而命之氏諸侯以字爲氏因以爲族官有此功則有官族邑亦如之公

命以字爲展氏以此言之天子賜姓命氏諸侯命族者氏之別名也姓者所以統繫百世使不別也氏者所以別子孫之所出故

太史公曰正義曰太史公司馬遷自謂也自本之篇言姓則在上言氏則在下也

太史公曰叙傳云太史公曰先人有言又云

太史公曰、余聞之董生又云、太史公遭李陵之禍、明太史公司馬遷自號也、遷為太史公、官題贊首也、虞意云、古者學者多稱五帝尚主天官者皆上公非獨遷。

矣、索隱曰、尚上也、言久遠、然尚書獨載堯以

來而百家言黃帝其文不雅馴、正義曰、馴訓

矣、然尚矣、文出大戴禮、然尚書獨載堯以

孔子家語篇名、以二者皆非正經故漢

時儒者以爲非聖人之言、故多不傳學、余嘗

西至空桐、正義曰、余太史公自稱也、嘗曾也

或不傳學也、儒者或不傳、索隱者、五帝德帝

音奚計反、五帝德及帝繫姓、皆大戴禮文、及

孔子家語篇名、漢儒者以二書非經、恐不是

聖人之言、故儒者或不傳、索隱者、五帝德帝

或不傳學也、儒者或不傳、索隱者、五帝德帝

音奚計反、五帝德及帝繫姓、皆大戴禮文、及

孔子家語篇名、漢儒者以二書非經、恐不是

聖人之言、故儒者或不傳、索隱者、五帝德帝

或不傳學也、儒者或不傳、索隱者、五帝德帝

帝問道於黃帝子處、北過涿鹿、正義曰、涿鹿山在媯州

東南五十里、山側有涿鹿城、即黃帝之都也、東漸於海南、浮江淮矣、至長老

皆各往稱黃帝堯舜之處、風教固殊焉、總

之不離古文者近是、索隱曰、古文即帝德帝

系二書也、近是聖人之說、予觀春秋國語、其發明五帝德帝繫姓章

矣、索隱曰、太史公言、已以春秋國語古書博  
加考驗、益以發明五帝德等說甚、章著也

顧穿弗深考

徐廣曰、弟但也、史說漢書見此者非一、又左思蜀都賦曰、窮如

滇池而不詳者多以爲字、誤學者安可不博觀乎○正義曰、顧念也、弟且也、太史公言、博

考古文擇其言表見之不虛、其章著矣、思念亦旦不須更深考論

皆不虛

索隱曰、言帝德帝系所有表見者皆不爲虛妄也

書缺有間

矣

正義曰、言古文尚書缺失其間多矣、而無說黃帝之語

其軼乃時時

見於他說

索隱曰、言古典殘缺有年載故曰見於他記說即帝德帝系等說也、故已今採按而備論黃帝已來事耳

非好學

深思心知其意固難為淺見寡聞道也、余并

論次擇其言尤雅者故著為本紀書首

正義曰、太

史公據古文并諸子百家論次、擇其言語典雅者、故著爲五帝本紀、在史記百三十篇書之首

索隱述贊曰

帝出少典

居于軒丘

既代炎歷

遂禽蚩尤

高陽嗣位

靜深有謀

小大遠近

莫不懷柔

爰洎帝嚳

列聖同休

帝摯之弟

其號放勲

就之如日

望之如雲

都夷東作

昧谷西曛

明敷仄陋

玄德升闇

能讓天下

賢哉二君

右述贊之體深所不安何者夫叙事  
義功合有首末懲惡勸善是稱褒貶  
觀太史公贊論之中或國有數君或  
士兼百行不能備論終始自可略申  
梗槩遂乃頗取一事偏引一奇即為

一篇之贊將為龜鏡誠所不取斯亦  
明月之珠不能無穢矣今並重爲一  
百三十篇之贊云

